

道光癸未仲春

傷寒總病論



南京中医药大学图书馆版权所有

# 千頃堂書局商標



UNIVERSITY OF CHINESE MEDICINE



南京中醫藥大學  
南京中醫藥大學圖書館版權所有

啓久不為問思人

深過辱存記遠枉書

教具聞起居佳勝

感慰兼集惠示傷



寒論真得古聖賢  
救人之意豈獨為傳世  
朽之資蓋世義我貫幽  
明矣謹當為作題首一



篇寄在方苦多事  
未能便付在人然亦不

久作也老倦甚矣秋初  
决当求在未知何日會

見臨書牘惟存以

自愛不宣 再拜

安常處士閣下

五月廿八日



人生浮脆何者為可

壽

如君能著書傳後

有

幾念此便者為作  
數百字仍欲送杭州



開板也知之





結胸證 大陷胸湯  
小陷胸湯

大陷胸丸  
三物白散方

心下痞證 半夏瀉心湯  
生薑瀉心湯

大黃黃連瀉心湯  
甘草瀉心湯

加附子瀉心湯

陽毒證 升麻湯

陰毒證 甘草湯  
硫黃丸

反陰丹  
附子飲子

狐惑證 赤小豆當歸散

百合證 百合知母湯  
百合地黃湯

滑石代赭湯  
百合湯  
栝樓牡蠣散

百合雞子湯  
百合滑石散

瘥濕暍等證

瘥證 葛根麻黃湯

濕證 黃耆湯  
桂枝附子湯

杏人薏苡湯  
甘草附子湯

暍證 瓜蒂湯

小橘皮湯



發汗吐下後雜病證

茯苓桂枝湯

乾薑附子湯

梔子生薑湯

柴胡桂枝湯

赤石脂禹餘糧湯

黃芩梔子湯

荊芥散

茅根湯

薤白梔子湯

麝射香丸

大青湯

地黃湯

大黃梔子湯

雄黃散

黃蘗升麻湯

五倍子散

黑龍煎

檳榔散

茯苓白朮湯

梔子厚朴湯

旋覆花代赭湯

桂枝人參湯

葱白湯

理中丸

黃芩芍藥湯

黃連黃蘗湯

肉豆蔻湯

苦葶藶湯

黃芩湯

秦皮大黃湯

青黛丸

薑微飲子

射干煎

喉閉膏

五味子湯

梔子香豉湯

梔子乾薑湯

柴胡龍骨牡蠣湯

厚朴人參湯

葛根芩白湯

生薑半夏湯

黃連當歸湯

黃連熟艾湯

良薑湯

麻人龍膽丸

大黃散

滴眼湯

牽馬丸

黃蘗飲子

鵬砂散

升麻大黃湯



傷寒勞復證

梔子石膏香豉湯  
鼠矢湯

苳豉湯  
枳實梔子湯

附子黃耆湯  
薑根湯

葛根薑豉湯  
桂枝梔子湯

瓜蒌湯

陰陽易證 灸附

足甲棍灰散  
毛際

陰頭

第四卷

暑病論

暑病表證 代葛根證

代葛根麻黃證

代麻黃證

大青消毒湯

代青龍證  
葛粉散

素問載五種暑病 無方

時行寒疫論

時行寒疫治法 趙泉黃膏  
雞子湯

崔文行解散  
麻黃葛根湯

藜蘆散  
麻黃湯

葛根解肌湯  
華佗赤散

白薇散  
烏頭赤散

聖散子方并序



班豆方論

温病發斑治法 小兒證附

地黄膏  
黃連

黃芩麻黃湯  
漏蘆湯

香豉石膏湯  
樺皮飲子

五香湯  
鬱吋金散

水解散  
鱉甲湯

葛根石膏湯  
淡竹瀝飲子

麻黃甘草湯  
紫草湯

紅花湯  
甘草湯

甘草乾薑湯  
犀角升麻湯

油飲子  
梔子薤豉湯

瘡已出定方

三豆飲子

第五卷

天行温病論

辟温疫方論

屠蘇酒  
四海神名

辟温粉  
附子散

研雄黃并噎法  
殺鬼丸

螢火丸一名冠軍丸一名武威丸除疫術



青筋牽證 柴胡地黃湯

石膏竹葉湯

赤脈攢證 石膏地黃湯

黃肉隨證 灸法附

玄參寒水石湯

白氣狸證 石膏杏人湯

石膏葱白湯

黑骨溫證 灸法附

苦參石膏湯

知母解肌湯

溫病噦方論 茅根葛根湯  
枇杷茅根湯

梓皮飲子

茅根橘皮湯

黃病證 髮前消石 礬石散

瓜下散

傷寒感異氣成溫病壞後及瘧證 知母石膏湯  
丹砂丸

白虎加桂枝湯  
三黃石膏湯

石膏甘草散

敗壞別行方 附子蠶甲湯  
蠶甲犀角湯

木通桂枝湯  
風引加附子湯

蠶甲恒山湯



第六卷

小兒傷寒證

葛根芍藥湯  
蒼蘆根湯

蕩涎散  
甜葶蘆湯

射干湯  
犀角黃耆湯

鈎藤大黃湯

地皮湯

傷寒雜方

時雨散  
麻黃杏仁湯

玄精石湯  
朴消散

瓜蒂牙消散  
犀角五香湯

妊娠雜方

伏龍肝散  
黃耆人參湯

吞雞子法  
阿膠散

牽牛散  
陳皮枳實湯

鹿角屑湯  
地黃生薑飲子

益母草飲子  
紅花散

生薑小便飲子  
大黃桃人湯

石膏栝樓湯

傷寒暑病通用刺法

期門  
開元  
中腕

肺俞  
大杼  
大杼  
手少陰  
曲池

勞宮  
魚祭

大淵  
列缺

太都  
商陽

太白  
天柱

復溜  
涌泉

合谷  
狹谿

丘墟  
陷谷

傷寒死生候

熱病死生候

溫病死生候



天行差後禁忌

解仲景脉說 半夏桂枝甘草湯

解華佗內外實說

辨論

與有位辨傷寒論書

惣論音訓

脩治藥法

傷寒總病論目錄終



陽又云彼春之暖爲夏之暑彼秋之忿爲冬之怒是以  
嚴寒冬令爲殺厲之氣也故君子善知攝生當嚴寒  
之時周密居室而不犯寒毒其有奔馳荷重勞傷之  
人皆辛苦之徒也當陽氣閉藏反擾動之令鬱發腠理  
津液強漬爲寒所搏膚湊反密寒毒與榮衛相渾當  
是之時勇者氣行則已怯者則著而成病矣其即時  
成病者頭痛身疼肌膚熱而惡寒名曰傷寒其不即  
時成病則寒毒藏於肌膚之間至春夏陽氣發生則  
寒毒與陽氣相搏於榮衛之間其患與冬時即病候  
無異因春溫氣而變名曰溫病也因夏暑氣而變名



曰熱病也。因八節虛風而變，名曰中風也。因暑濕而變，名曰濕病也。因氣運風熱相搏而變，名曰風溫也。其病本因冬時中寒，隨時有變病之形能，爾故大醫通謂之傷寒焉。其暑病濕溫風溫死生不同，形類各異，治別有法。

龐曰：天寒之所折，則折陽氣；足太陽為諸陽主氣，其經夾脊，貫五臟六府之膂，上入腦，故始則太陽受病也。以其經貫五臟六府之膂，故病有臟府傳變之候。以其陽經先受病，故次第傳入陰經，以陽主生，故足太陽水傳足陽明土，土傳足少陽木，為微邪，以陰

主殺故木傳足太陰土土傳足少陰水水傳足厥陰

木至第六七日當傳足厥陰肝木必移氣克於脾

脾再受賊邪則五臟六府皆危殆矣榮衛不通耳聾

囊縮不知人則死速用承氣湯下之

方在可下證中則可保

五死一生勿從容拯溺令病人水漿不入湯液不下

無可柰何也素問去脾熱病則五臟危又云土敗木

賊則死若第六七日傳厥陰脉得微緩微浮其證寒

熱似瘧此為必愈宜桂枝麻黃各半湯和之

方在可汗證中微

緩微浮為脾胃脉也故知脾氣全不再受克邪無所

容否極泰來榮衛將復水升火降則寒熱作而大汗解

矣人將大汗必冒昧者若久旱天將時雨六令昆日至  
昏昧雨降之後草木皆蘇庶物明淨玉册所謂換陽  
之吉證也

王叔和云土地溫涼高下不同物性剛柔餐居亦異  
是以黃帝興四方之問岐伯立四治之能以訓後賢  
開其未悟臨病之工宜兩審之

龐曰叔和非醫之圓機孰能臻此也如桂枝湯自西  
北二方居人四時行之無不應驗自江淮間地偏暖  
處唯冬及春可行之自春末及夏至以前桂枝麻黃  
青龍內宜黃芩也自夏至以後桂枝內故須隨證增



知母大青石膏升麻輩取汗也若時行寒疫及病  
素虛寒者止用古方不在加減矣夏至以後雖宜白虎  
詳白虎湯自非新中暍而變暑病乃汗後解表藥耳一  
白虎未能駢逐表邪故也或有冬及始春寒甚之時人  
患斯疾因汗下偶變狂躁不解須當作內執治之  
拘於時令也南方無霜雪之地不因寒氣中人地氣不  
藏蟲類泄毒嵐瘴間作不在此法治別有方也又一  
州之內有山居者為居積陰之所盛夏冰雪其氣寒  
腠理閉難傷於邪其人壽其有病者多中風中寒之  
疾也有平居者為居積陽之所嚴冬生草其氣溫腠

理踈易傷於邪其人天其有病者多中濕中暑之疾也凡人稟氣各有盛衰宿病各有寒熱因傷寒熱起宿疾更不在感異氣而變者假令素有寒者多變陽虛陰盛之疾或變陰毒也素有熱者多變陽虛陰虛之疾或變陽毒也

龐曰四時之中有寒暑燥濕風火相搏喜變諸疾須預察之其飲食五味禽魚蟲菜果實之屬性偏有嗜者或金石草木藥素嘗有餌者人五臟有大小高下堅脆端正偏傾六府亦有大小長短厚薄緩急令人終身長有一病者貴者後賤富者乍貧有常貴有常



龐曰陰陽虛盛者非謂分寸也榮衛者表陽也陽胃者裏陰也寒毒爭於榮衛之中必發執惡寒尺寸俱浮大內必不甚躁設有微煩其人飲食欲溫而惡冷謂陽虛陰盛也可汗之則愈若誤下則死也若寒毒相薄於榮衛之內而陽勝陰衰極陰變陽寒盛生熱熱氣盛而入裏熱毒居腸胃之中水液為之乾涸燥糞結聚其人外不惡寒必蒸蒸發熱而躁甚則讖語其脉浮滑而數或洪實或汗後脉雖遲按之有力外證已不惡寒腹滿而喘此皆為陽盛陰虛當下之則愈若誤汗則死也仲景載三等陽明是陽盛陰虛

證矣。調經論云：陽虛則外寒，陰虛則內熱。陽盛則外  
熱，陰盛則內寒。以此別之。若陰獨盛而陽氣暴絕，則  
四肢逆冷，臍築湊痛，身疼如被杖，面青或吐或利，脈  
細欲絕，名曰陰毒也。須急灸臍下，服以辛熱之藥。  
陽氣復生，澱然汗出而解。若陽獨盛而陰氣暴絕，則  
發躁狂走，妄言面赤，咽痛身班班如錦文，或下利赤  
黃，脈洪實，或滑促，名曰陽毒也。宜用針泄熱，服以苦  
酢之藥，令陰氣復生，澱然汗出而解也。

龐曰：夫邪逆陰陽之氣，非汗不能全其天真。素問云：  
辛甘發散為陽，謂桂枝、甘草、細辛、薑、棗、附子之類能



復陽氣也。酸苦湧泄爲陰。謂苦參、天青、葶、麻、苦酒、艾  
之類能復陰氣也。酸苦之藥既折熱復陰亦當  
而後利者。經云身汗得而後利則實者可治是也。  
華佗治法云傷寒病起自風寒入於腠理與精氣分  
爭。榮衛否塞周行不通病一日至二日氣在孔竅皮  
膚之間故病者頭痛惡寒身熱腰背強重此邪氣在  
表隨證發汗則愈。

龐曰凡發汗須如常覆腰以上厚衣覆腰以下以腰  
足難取汗故也。半身無汗病終不解。凡發汗後病證  
仍存於三日內可二三發汗令腰脚周遍爲度。若病



不解便可下之。設令下後不解，表裏邪亦衰矣。足觀  
脈證調治，七日內可期。正汗為善也。發汗後不可再  
行汗者，始發熱惡寒，今不惡寒，但倍發熱而躁，始汗  
浮大，今洪實，或沈細數，始惺靜，今狂語，此胃實也。  
再行汗藥即死。須當下之。有人始得病，變陽盛之證，  
須便下之，不可拘日子深淺次第也。病三日以上，氣  
浮上部，填塞胃心，故頭痛，胃中滿，或多痰涎，當吐之  
則愈。

龐曰：若虛損及新產人，不能吐者，可服枳實散。

米飲調貳錢  
日可三四服。若有虛寒手足冷及脈微弱者，枳實貳兩。



加桂枝壹兩同末之如前服。

病五六日以上。氣結在臍府。故腹滿身重。骨節煩疼。

當下則愈。若小便少。手足心并腋下不滋潤。尚不可

攻之。當消息其候。不可亂投湯藥。虛其胃氣。必致

法 治  
太陽證

尺寸俱浮者。太陽受病也。二三日發。以上連風府。故

頭項痛而腰脊強。此是太陽膀胱經屬水。病源云小腸者非也。

太陽病發熱汗出惡風。其脉緩者。名為中風。太陽病

或已發熱未發熱。必惡寒。體痛脉陰陽俱緊者。名為

傷寒。

傷寒一日太陽受之。脉若靜者為不傳。頗欲吐若煩躁。脉數急者為傳也。

傷寒二三日。陽明少陽證不見者為不傳也。病發熱而惡寒。邪發於陽也。不熱而惡寒者。邪發於陰也。

於陽者七日愈。發於陰者六日愈。陽數七。陰數六。故

也。發於陽者。隨證用汗藥。攻其外。發於陰者。用四逆輩。溫其內。

太陽病頭痛至七日以上自愈者。其經竟故也。若欲

作再經者。針足陽明。使經不傳。補足陽明。土三里穴也。

風者解表而不了了者。十二日愈。方言曰。南楚疾愈。或謂之差。或謂之了。

太陽病初服桂枝湯。反煩不解。先刺風池。風府。却與



桂枝湯則愈。

太陽病自汗四支難以屈伸若小便難者可與陽旦

證內加附子壹枚炮去皮尖八破同煎服之陽旦即桂枝湯異名

若小便數者慎不可行此湯宜用芍藥甘草湯若誤

行桂枝附子湯攻表則咽乾煩躁厥逆嘔吐者作甘

草乾薑湯與之以復陽氣若厥愈足溫更與芍藥甘

草湯其脚即伸若胃氣不和讞語者少與調胃承氣

湯微溲則讞語止。

芍藥甘草湯主脉浮而自汗小便數寸口脉浮大浮

為風大為虛風則生微熱虛則兩脛攣小便數仍汗

出為津液少不可誤用桂枝湯宜補虛退熱通治誤

服湯後病證仍存者

按古之參兩准今之壹兩古之參升今之壹升若以古方裁減以合今升秤則其

升合之分毫難以從俗莫若以古今升秤均等而減半為一劑補其

枚粒乃便於俗尔且仲景方云一劑盡病證猶在者更作減半之劑此

古方一劑入加其半庶可防病未久而服之也有不禁大湯劑者再減

半亦得肘後所謂或以壹分為兩或以貳銖為兩以蓋當升可也

難辦或臨時抄撮皆可處末每抄五錢水兩平蓋煎八分服之有薑

者每服入薑三片棗三枚一日三服未中病可六七服也有不可作薑

散者是病勢大宜依古方行之凡湯一劑有附子一枚增半之劑合用

附子一枚半古方不析枚者是枚力要完也半兩以上大附子可當一

枚半四錢以下者可用兩枚為准枚傷多不妨仲景云強人可加附子成兩枚是也

### 芍藥

甘草各貳兩半

細剉水壹升半煎七合半去滓温温分再服

甘草乾薑湯

甘草 貳兩

乾薑 壹兩

煎如前方

調胃承氣湯

大黃 壹兩

甘草 半兩

芒消 壹大合

細剉水壹升煎上二味至五合去滓下芒消烱化

暖服壹盞微溲為度如難利者再與一劑

太陽病汗證反下之遂利不止脉促表未解也喘而汗出者葛根黃芩湯主之

黃芩 參錢 黃連 參兩

甘草 半兩

乾葛 貳兩

細剉水壹升半煎七合半去滓溫飲壹盞日三服



陽明證

尺寸俱長者陽明受病也當二三日發以其脉

絡於目故身熱目痛鼻乾不得卧

此證惡寒可發者為惡寒罷反自汗惡寒者為

胃家實屬正陽明且調胃承氣湯方在太陽證下

龐曰有三陽陽明者其太陽陽明本太陽病若發汗

若下若利小便此亡津液胃中乾燥因轉屬陽明也

少陽陽明者本傳到少陽因發汗利小便已胃中燥

大便難也正陽陽明者病人本風盛氣實津液消樂

或始惡寒汗出多寒罷而反發熱或始得病便發熱

狂言也





凡陽明證俱宜下唯中寒惡寒爲病在經與太陽合病屬表可發其汗

二陽合病脉必浮大而長外證必頭痛腰疼肌熱自疼鼻乾也浮大者太陽受病也長者陽明也頭眩大陽也肌目鼻陽明也

二陽併病太陽證罷但發潮熱手足熱熱汗出大便難而讖語者太承氣湯下之則愈

方在可下證中

二陽併病太陽初得時發其汗汗先出復不徹因轉屬陽明自微汗不惡寒若太陽證不罷不可下下之爲逆如此者可小發其汗設面色正赤者陽氣怫鬱



在表當解之蒸之若汗出不徹當短息不足言陽氣  
怫鬱不得越當汗出而不汗其人短氣但坐以汗出  
不徹故也宜麻黃湯更發其汗即愈何以知其汗不  
徹其脉澁故知也

方在可汗證中古本字多差誤以從  
所見病人證候中符合如此故改正

明病能食為中風不能食為中寒

陽明病中寒脉浮無汗其人必喘發汗則愈宜麻黃

湯

方在可汗證中

陽明病脉遲汗出多微惡寒者表未解發汗則愈宜

桂枝湯

方在可汗證中

若不惡寒為外欲解手足戢然汗出者

大便已鞭宜大承氣湯

方在可汗證中



陽明病有不可攻者謂陽明病心下鞭滿者不可攻  
攻之利不止者死利止者愈

陽明病或發汗或自汗大便雖鞭小便少者未可攻  
津液恐還入胃必先鞭後溏也小便自如乃可攻之

陽明中風口苦咽乾腹滿微喘發熱惡寒其脉浮緊

若下之則腹滿小便難也

此證必無汗與後證相似且惡寒無汗為異以咽乾腹滿亦不宜正與汗

陽明病脉浮而緊咽乾口苦腹滿而喘發熱汗出不  
惡寒而反惡熱身重若發汗則煩躁憤憤反譏語若  
加溫針必怵惕煩躁不得眠若下則胃中空虛客氣

藥別與  
消詳也



中醫藥大學圖書館藏

動蒿心中懊懷苔生舌上者梔子香豉湯主之

肥梔子拾枚香豉貳合

水貳升煮梔子減半

再煮搗合去滓温服壹盞得快吐者止後服

脉浮緊必無汗而反有汗咽燥腹滿惡熱法當

而又脉浮緊不當下此恐變風温宜細詳

陽明病口鼻燥但漱水而不欲嚥者必衄

### 少陽證

尺寸俱弦者少陽受病也當二三日發以其脉上循

脇絡於耳故曾脇痛而聾

足少陽膽屬木弦者細長如琴弦狀仲景云脉浮而緊曰弦非謂此

弦脉也凡傷寒脉浮緊相載皆屬弦之類也有屬太陽有屬陽明者少陽正得弦脉躰是小弦長大脉也多宜和表鮮有汗證



少陽之證口苦咽乾目眩也

此三陽經皆病未入於藏可汗而解

仲景少陽證唯柴胡乃和表藥也

弦細頭痛發熱屬少陽宜小柴胡湯不可發汗發汗

則讖語此屬胃胃和則愈不和則煩而躁宜調胃承

氣湯此屬少陽陽明證也

方在太陽證中

本太陽病不解轉入少陽者脇下鞭滿乾嘔不能食

往來寒熱尚未可吐下脉緊者小柴胡湯主之

少加牡蠣

若已吐下發汗温針讖語小柴胡湯證罷此為壞病

知犯何逆以法治之

知犯何逆者犯四種温病壞候也

少陽中風兩耳微聞目赤胸中滿而煩不可吐下吐



下則驚悸小柴胡湯主之

方在和表證中

三陽合病脉浮大上關上但欲眠睡合目則汗

長大也

三陽合病面垢讖語腹滿身重不能轉側遺尿發汗

則讖語下之則額上生汗手足逆冷若自汗者宜白

虎湯

方在厥陰證中

傷寒四五日或六七日無大熱其人躁悶此為陽去

入陰也

傷寒三四日陽為盡三陰當受邪其人反能食而不

嘔此為三陰不受邪也

病到陰必吐利



傷寒三日少陽脉小者欲愈也

小而平  
勻者也

### 太陰證

尺寸俱沈細者太陰受病也當四五日發其經布

中絡於嗌故腹滿而嗌乾宜大承氣湯下之

太陰之為病腹滿而吐食不下自利益甚時腹自痛

若下之必胃下結鞭自利不渴者屬太陰其藏有寒

故也

當溫之以  
四逆輩

傷寒三日太陽脉弱至四日太陰脉大

脉大而胃滿多  
痰者宜吐之無

此證者  
宜汗之傷寒脉浮緩亦大  
之類手足自溫者繫在太陰小便

不利者必發黃

五苓散  
茵陳主之

加若小便自利者不能發黃至



北京中医药大学图书馆版权所有

七八日雖暴煩下利日十餘行必自止以脾家實腐穢當去故也橘皮湯主之

### 五苓茵陳散

以茵陳濃煎湯調五苓散貳錢服之日三四黃從小便下以小便清為度

### 橘皮湯

橘皮 壹兩

生薑 貳兩

細剉水壹升半煎七合去滓分貳服稍熱呷未差  
再作服

本太陽病醫反下之因尔腹滿時痛者屬太陰也桂





枝芍藥湯主之

桂枝壹兩半

芍藥叁兩

甘草壹兩

大棗陸枚

生薑壹兩半

呔咀以水叁升煮取壹升半去滓每温壹匙

服注云小建中湯不用飴糖故芍藥為君止痛復利邪故也

少陰證

尺寸俱沉者少陰受病也當五六日發以其經貫腎絡於肺繫舌本故口燥舌乾而渴大承氣湯下之在方

可下  
證中

少陰之為病脉微細於寐也



少陰中風陽微陰浮為欲愈也

凡少陰病四逆者宜溫之

少陰病始得之反發熱脈沉者麻黃細辛附子湯

麻黃貳兩

細辛貳兩

附子壹枚

㕮咀以水三升先煮麻黃十數沸去上沫內諸藥  
煮取壹升去滓每溫壹盞日三服

少陰病得之二三日麻黃附子甘草湯微汗以二三

日無陽證故微發汗也

謂初得病二三日常見少陰證無陽者須發小汗也

麻黃貳兩

甘草貳兩

附子壹枚

㕮咀以水參升先煮麻黃十數沸去上沫內諸藥



北京中醫藥大學圖書館版權所有

煮取壹升半去滓每温一盞日三服

龐曰少陰病脉沉不知何沉也且沉緊發汗則動經  
沉數為病在裏不可發汗詳此脉或沉而濡或沉而  
微是表中寒而裏不消脉應裏而發熱在表故以  
辛之藥温散而微微取汗也

少陰病吐利手足不逆冷發熱者不死脉不至者灸

少陰七壯太谿穴在內踝後跟骨上動脉  
陷中言發熱者謂其身發熱也

少陰病吐利煩躁四逆者死煩躁者內煩躁也與茱萸  
湯證耳細審其生死也

少陰病惡寒而嘔居負切時時自煩不欲厚衣宜大柴

胡湯方在可  
下證中

少陰病四逆惡寒而自劓脉不至而吐利煩躁者死

重詳定此

少陰病下利利止而眩時自冒者死

此合是少陽胃脉汗澱出脉

者生少陰無眩冒之證

少陰病六七日息高者死

少陰病脉微細沉但欲卧汗出不煩自欲吐至五六

日自利復煩躁不得卧寐者死

少陰病得之二三日以上心中煩不得卧者黃連阿

膠湯主之

黃連壹兩

黃芩壹分

芍藥壹分



雞子黃半枚

阿膠炙參分為末

以水貳升先煮三物取壹升去滓內阿膠烱盡少

冷內雞子黃攪令相得温温一盞日三四服

少陰病下利清水色純清心下必痛口乾躁者天承

氣湯下之方在可下證中

少陰病吐利手足厥冷煩躁欲死者茱萸湯主之

茱萸壹兩半湯洗三遍

人參參分

生薑壹兩半

大棗參个

以水叁勝半煮取壹勝半去滓每温一盞日叁服

少陰病咽痛者桔梗甘草湯主之

桔梗 半兩

甘草 壹兩

細剉水壹勝煎半勝去滓作參服細呷之

又半夏散亦主之

半夏 湯洗七遍

桂枝 去皮

甘草 炙

右各等分各別搗節已合治之每服參錢水壹盞  
半煎至八分溫冷少少嚥之

少陰病下利清穀裏寒外熱手足厥逆脉微欲絕身  
反不惡寒其人面赤或腹痛或乾嘔或咽痛或利止  
脉不出者通脉四逆湯主之

甘草 壹兩

附子

大者半個強  
人加半個

乾薑

參分強人  
加壹兩半



北京中醫藥大學圖書館藏

細剉水參升煎至壹升去滓每溫服一盞日三四  
服未差急更作一劑不可作者散其脉續出者  
愈暴出者死面赤者加連須葱四莖去青腹痛去  
葱加芍藥壹兩嘔者加生薑壹兩咽痛者去芍藥  
加桔梗半兩利止脉不出者去桔梗加人參半兩  
病與方皆相應者乃與服之

少陰病下利六七日欬而嘔渴心煩不得眠者宜猪苓湯

猪苓

茯苓

澤瀉

滑石

阿膠

各半兩

咬咀以水貳升先煮四物取壹升去滓內阿膠末  
烱盡每溫一盞服



少陰病下利咽痛背滿心煩猪膚湯主之

猪膚半斤

以水五升煮取貳升半去滓加白蜜半升白粉貳合半熬香和令相得每溫服一盞日三四服少陰病四逆其人或欬或悸或小便不利或腹中痛或泄利下重者四逆散主之

甘草 枳實 柴胡 芍藥 各伍分

搗篩爲細末白飲和服方寸匕日二服欬者加五味子乾薑炮各貳分半并主下利悸者加桂貳分半小便不利者加赤茯苓貳分半腹痛者加附子





壹箇炮去皮臍泄利下重者先以水參升薤白湯  
升半煮取貳升去滓以散方寸匕用薤白湯  
煎八分日三四服

### 厥陰證

尺寸俱微者厥陰受病也六七日發以其脉循陰而

絡於肝故煩滿而囊縮微緩者囊必不縮若外證發熱惡寒似瘧為欲愈候宜桂枝麻黃各

半湯也若尺寸俱沉短者囊必縮宜承氣湯下之方在可下證中

厥陰之為病消渴氣上衝心中痛熱飢而不欲食食  
則吐衄下之利不止烏梅丸主之

傷寒脉微而厥至七八日膚冷其人躁無暫安者此

藏厥非虺厥也虺厥者其人當吐虺令病者靜而復  
煩也此藏寒虺上入其鬲故煩須臾復止得食而嘔  
又煩者虺聞食臭即出其人常自吐虺虺厥者烏梅  
丸主之又治久痢藏厥宜四逆  
輩極冷服之

烏梅 壹百伍拾个

乾薑 伍兩

黃連 捌兩

當歸 貳兩

川椒

桂枝

附子

人參

黃蘗

細辛

各參兩

異擣篩合治之以苦酒浸烏梅一宿去核蒸之貳  
斗米下飯孰擣成泥和藥令相得內臼中與蜜再  
杵二千下丸如梧桐子大先食飲服十九日三  
服稍加至二十九丸禁生冷滑臭食物等



厥陰中風脉微浮者為欲愈不浮為未愈

脉遲反以黃芩湯得徹其熱腹中應冷當不得食

反能食此為除中必死

先厥後發熱下利必自止而反汗出咽痛者其喉為

痺發熱無汗其利自止若不止必便膿血者其喉不痺

龐曰熱少微厥指頭寒噤噤不欲食煩躁數日小便

自如此熱除也宜乾薑甘草湯

方在大陽證中

龐曰手足逆冷皆屬厥陰不可下亦不可汗有瀕下

證者謂手足雖逆冷或有溫時手足雖逆冷而手足

掌心必煖非正厥也故可消息汗下也



傷寒二日至四五日厥者必發熱前發厥者後必  
發熱厥甚熱亦甚厥微熱亦微厥不過五日六日不  
厥者必愈若六日厥者必發熱愈甚仍下利也  
龐曰寒熱而厥面色不澤冒昧者當用絛衣包手足  
令溫煖必大汗而解也有不因大汗下而兩手忽無  
脉謂之雙伏或一手無脉謂之單伏或利止如此必  
有正汗急用四逆輩溫之時有汗便安脉終不出者死  
下利先厥後發熱利必自止不尔咽中痛或喉痺若  
便膿血者其喉不痺  
厥而下利者當不能食反能食者為除中必死能食



反發熱脈數者必發癰膿厥而嘔背脇煩滿後必復膿血

病者手足冷小腹按之痛此結冷在膀胱關元也續關元發熱下利厥逆躁不得卧者死

病人手足厥冷脈乍緊者邪結在胃中心下滿而嘔不能飲食者病在胸中當吐之宜瓜蒂散凡病可吐者比目宜此方

瓜蒂 赤小豆 等分

細末別以香豉壹合熟湯灸壹盞煮作稀糜去滓取汁和散壹錢溫溫頓服不吐者少少加藥再服



北京中醫藥大學圖書館藏

得吐快乃止諸亡血虛家不可與服有用丁香者吐之多霍燥人

傷寒厥而心下悸宜先治水當服茯苓甘草湯治

其厥不尔水漬入田月必作利也茯苓甘草湯

茯苓 桂各壹兩 生薑 壹兩半 甘草 半兩

細劉水貳升煎壹升溫飲壹盞悸止為度

傷寒六七日大下後寸脉沉而遲手足厥逆下部脉

不至咽喉不利唾膿血泄利不止者為難治宜麻黃

升麻湯有不因下而自利加芎血者水宜此方

麻黃 壹兩 升麻 當歸各半兩 知母 黃芩

北萎 各叁錢 芍藥 天門冬 桂枝 茯苓



甘草

石膏

白朮

乾薑

各壹錢半

細剉水貳升半先煮麻黃一二沸去沫內諸藥煮壹升貳合去滓溫服一或益如人行七八里久以汗出即住服

本自寒醫復吐下之寒格愈逆食入口即吐宜乾薑黃芩湯

乾薑

黃芩

黃連

人參各壹兩半

細剉水叁升者取壹升半去滓溫服一或益

下利微熱而渴脈弱者自愈脈數汗出亦然緊為未解發熱而厥七日下利為難治



凡厥通用四逆湯

方在四逆證中

謂其脉浮遲或微或細或

沉皆屬裏有寒也

厥而脉滑者為裏有熱白虎湯主之

知母

石膏

捌兩

甘草

半兩

粳米 參合

以水五升煮米熟湯成去滓温服一盞日三服有

渴加人參半兩

龐曰三陽皆有合病凡合病者有十四證唯三陰無合病

兩感證


龐曰素問載兩感於寒其脉應與其病形者一日則

巨陽與少陰俱病頭痛口乾而煩滿二日則陽明與





太陰俱病腹滿身熱不欲食譫語三日則少陽與厥  
陰俱病則耳龍耳囊縮而厥水漿不入口不知人六日  
死言其六日死者是藏府榮衛或有所通行故五日  
少陰與太陽俱病五日與太陰與陽明俱病六日厥  
陰與少陽俱病是重傳得六日死矣其有三日死者  
素問謂陽明為五藏十二經脈之長其邪氣盛血故不  
知人三日其氣乃絕故死矣夫邪氣盛則實表裏邪  
實併領血氣入胃不通於榮衛氣血故氣血隨邪而  
盡則三日死矣其脈候素問已脫今詳之凡沉者比日  
屬陰也一日脈當沉而大沉者少陰也大者太陽也



二日脉當沉而長三日脉當沉而弦乃以合表裏之脉也沉長沉弦比日隱於沉大凡陰不當合病唯三陽可以合病今三陰與三陽合病故其脉似沉弦而大似沉實而長亦類革至之死脉也

### 三陰三陽傳病證

龐曰傷寒一日巨陽受病前所說膀胱詳矣病源云小腸雖則誤其標本其手足陰陽自有併病者故素問云六日三陰三陽五藏六府皆受病榮衛不行五藏不通則死矣是表裏次第傳不必兩感亦有至六日傳徧五藏六府而死者也素問云諸浮不躁者皆



在陽則爲熱其有躁者在手假令第一日脉不燥是  
足太陽膀胱脉先病脉加躁者又兼手太陽小腸也  
又云諸細而沉者皆在陰則爲骨痛其有靜者在足  
假令第四日脉靜者足太陰始傳病也脉加數又兼  
手太陰病也故六日亦能傳徧藏府也躁謂脉數靜  
謂脉不數用藥則同若用鍼須取足與手之經也

# 傷寒總病論卷第一



南京中医药大学图书馆版权所有

傷寒總病論卷第二

可發汗證

不可發汗證

四逆證

和表證

可下證 血證附

不可下證

可水不可水證

可吐不可吐證

可灸不可灸證

可火不可火證

可溫證

火邪證

可發汗證

大法春宜發汗



太陽中風陽浮而陰弱陽浮者自發熱陰弱者自汗  
出啻啻惡寒淅淅惡風翕翕發熱鼻鳴乾嘔者桂  
枝湯主之

桂枝

芍藥

生薑

各壹兩半

甘草

壹兩

大棗

陸合

以咀水參升半微火煎取壹升七合半生布絞去  
滓溫服一盞須臾啜熱粥一椀令助藥力周覆一  
時汗徧身濺濺者益佳不可令如水流漓病必不  
除若一服汗出病差止後服不必盡劑也若不汗  
如前法更服半日許令三服若病重者一日一夜  
可盡一劑病證猶存者更作服若汗未出乃至二

三劑忌生冷粘滑肉麩五辛酒酪臭惡等物

太陽病初服桂枝湯反煩不解者先刺風池風府却  
與桂枝湯則愈按風池是少陽之經陽維之會不針  
天柱而取風池者陽維維諸陽巨陽與諸陽主氣故  
也

龐曰凡桂枝湯證病者常自汗出小便不數手足溫  
和或手足指梢露之則微冷覆之則溫渾身執微煩  
而又增寒始可行之若病者身無汗小便數或手足  
逆冷不惡寒反惡熱或飲酒後慎不可行桂枝湯也

脈緊必無汗設有汗  
不可誤作桂枝證

太陽病發汗遂漏不止其人惡風小便難四支微急

難以屈伸者桂枝加附子湯主之

桂枝湯內加附子壹枚炮去皮尖切片同煎

前小便難為有津液可作汗若小便數不可誤認陽且證也陽且即桂枝湯異名也

下後脉促胃滿者桂枝去芍藥湯主之

桂枝湯內去芍藥只用四味也

芍藥味酸脉促胃滿恐成結胃故去芍藥之佐全用辛甘發散其毒氣也

服桂枝湯或下之仍頭項強痛翕翕熱無汗心下滿

微痛小便不利者桂枝去桂加白朮茯苓各一兩半

主之不用桂加水成四升取二升

太陽病項背強几几汗出惡風者桂枝加葛根貳兩

添水成四升煎取貳升通治柔痙





太陽下之微喘者表未解也桂枝加杏人厚朴湯主

之桂枝內加厚朴壹兩杏人肆拾枚

此則中風自汗用桂枝湯證也

龐曰惡寒者不當風而憎寒惡風者當風而憎寒皆屬表證太陽病頭痛發熱身疼骨節煩疼惡風無汗而喘者麻黃湯主之

麻黃 壹兩半

桂枝 壹兩

甘草 半兩

杏人 叁拾伍个

改咀水貳升半煮麻黃數沸去上沫內諸藥煮

取壹升貳合半去滓每飲一盞續次服盡不用粥

投溫覆如桂枝法將息未汗可再作二三劑

龐曰傷寒之脉緊盛而按之澀澀是也脉浮而緊浮為



風緊為寒風傷衛寒傷榮榮衛俱病骨節煩疼外證必發熱無汗或喘其人但憎寒手足指末必微厥久而復溫掌心不厥此傷寒無汗小便不數病雖十餘日尚宜

凡脈浮數或浮緊無汗小便不數病雖十餘日尚宜麻黃湯也

太陽中風脈浮緊發熱惡寒身痛不汗出而煩躁者大青龍湯主之若脈微弱自汗出惡風者不可服之服之則厥逆筋惕肉瞤此為逆也大青龍湯

麻黃 參兩

桂枝

甘草

石膏 各壹兩

杏仁 貳拾个 棗 伍枚

生薑 壹兩半



呔咀水五升煮麻黃數沸去上沫內諸藥煮取三升每溫飲一盞微汗為度若汗周身潤則止服未周身潤可停待少時服盡不欲汗多亡陽故也亡陽遂虛惡風煩躁不得眠也

傷寒脉浮緩身不疼但重乍有輕時無少陰證者大

青龍湯主之少陰當言太陰按太陰證內有脉浮緩手足溫者繫

緊似麻黃證反身不疼而脉浮緩

太陽病項背几几無汗惡風葛根湯主之

葛根 貳兩

麻黃 壹兩半

桂枝 壹兩

甘草 壹兩

芍藥 壹兩

大棗 陸枚

生薑 壹兩半



呔咀水四升先煮麻黃葛根數沸去沫下諸藥  
取貳升半去滓每溫飲一盞日三服如桂枝湯好  
太陽與陽明合病必自下利者葛根湯主之  
太陽與陽明合病不利但嘔者葛根加半夏湯主之  
用前葛根湯內加半夏壹兩壹分湯洗十遍每個作四  
龐曰脉浮緊無汗服湯未中病其人發煩目瞑極者  
必衄小衄而脉尚浮者宜麻黃湯衄後脉已微者不  
可再行也凡脉浮自汗服湯不中病桂枝證尚在必  
頭痛甚而致衄小衄而脉尚浮者再與桂枝湯衄後  
脉已微者不可再行也

傷寒三日後與諸湯不差脈勢如數陽氣猶在經絡

未入藏府宜桂枝石膏湯此方可夏至後代桂枝湯

用之若加麻黃壹兩可代麻黃青龍湯用之

石膏參兩

梔子貳拾

生薑壹兩半

桂枝

黃芩

甘草各壹兩

升麻

葛根

各壹兩半

呔咀水五升煮取貳升半去滓溫飲一盞食頃再

服若得汗即止後服

龐曰凡發汗以辛甘為主復用此苦藥者何也然辛

甘者折陰氣而助陽氣也今熱盛於表故加苦以發

之素問云執搖于內以苦發之故也



葛根龍膽湯療病四五日不差身體毒熱面赤兼治

陽毒風温

葛根生者肆兩乾者貳兩代 生薑 升麻 大青 龍膽

桂枝 甘草 麻黃 芍藥各半兩 萎蕤壹兩 石膏壹兩

呔咀水四升半下麻黃煮數沸去上沫內諸藥煎

貳升去滓温飲一湯盞日二夜二凡葛根須用家園味甘多白粉者為佳若

誤用味苦野葛多吐人轉增病

時行熱病六七日未得汗脉洪大或數面目赤身體

大熱煩躁狂語欲走大渴甚又五六日以上不解熱

在胃中口禁不能言為壞傷寒醫所不能治如死人



或精魂已竭心下纔煖發開其口嚙藥下咽即活  
治陽毒麥奴丸

麻黃

參分

釜底煤

黃芩

竈底墨

梁上塵

小麥奴

竈中黃土 各壹分

芒消

大黃 各半兩

細末蜜丸彈子大新汲水三合和一丸研服之渴者

但令冷水足意飲之須臾當寒竟汗出便差若

日移五尺不汗依前法再服一丸差即止須微利

小麥奴乃小麥未熟時叢中黑麥捻之成黑勃者

是也無即以小麥炒黑焦地上出火毒用之亦得

此藥須是病人大渴倍常躁盛若小渴者強與之



為禍耳強人每服半雞子大 亦治溫瘧

傷寒連服發汗湯七八劑汗不出者死如中風法  
之使溫熱之氣外迎無不得汗也古今用效蘇大燒  
地良久去火掃地以水洒之取螻蛄沙桃栢荊葉糠及  
麥麩皆可同和鋪燒地上可側手厚上鋪席令病人  
卧席上溫復之熱月可夾被覆其汗立出後周身至  
脚心皆汗澌澌乃用溫粉撲止移之上牀即愈無蚤  
沙即用麩糠之類鋪燒地上亦得

粉拾貳兩和勻用之  
無英粉以蜂粉代之

溫粉法白朮藁本白  
芷各貳兩末之入英

傷寒差後有不了了證者謂至十日或半月二十日



終不惺惺常昏沉以失精神言語錯謬或無寒熱有  
似鬼祟或朝夕潮熱頰赤或有寒熱如瘧狀此乃發  
汗不盡餘毒氣在心胞絡間所致也宜知母麻黃湯  
知母壹兩半 麻黃壹兩

甘草 桂枝各半兩

芍藥 黃芩

咬咀水貳升半者火麻黃數沸去上沫內諸藥取壹升  
參合去滓每溫飲一大盞半日可相次三服溫覆令微汗  
若心煩欲水當稍與之令胃中和則愈未汗盡劑  
太陽病下之後氣上衝其脈必浮可依證發汗不與  
汗則成結胸也凡發汗脈浮大雖大便秘小便少者



可發汗而解也合汗不汗諸毛孔閉塞悶絕而死

### 不可發汗證

脈浮緊法當身痛當以汗解假令尺中脈遲為榮氣

不足血少故也

前陽明病脈遲汗出多微惡寒宜桂枝湯不責禁不足蓋尺脈長大而遲也此若數脈而

遲不可汗宜小建中湯

### 小建中湯

桂枝 參分

生薑 參分

芍藥 壹兩半

甘草 半兩

棗 陸枚

飴糖 兩合半

以咀水貳升半煮取九合去滓方下飴糖煎令化

每溫飲一湯盞日進二三服尺尚遲再作一劑入

人參加半兩同煎最良舊有微瀉或嘔者不用飴



糖也兼治傷寒一二日胃中悸而煩及汗後身

脉沉遲又治傷寒陽脉澀陰脉弦法當腹中急痛

先小建中湯不差與柴胡湯

方在和中表證中

龐曰凡脉緊病必無汗唯濡而緊病必自汗勿誤行

桂枝宜建中湯也

脉濡弱不可發汗汗則厥而煩躁不得眠

諸動氣在心腹上下左右不可發汗

龐曰諸脉動數微弱不可發汗

以上並宜建中湯若煩躁者宜竹葉湯

竹葉湯治虛煩病似傷寒身亦熱而煩躁頭不痛身

不疼脉不數者兼治中暍渴吐逆而脉滑數者及傷



寒解後虛羸少氣逆欲吐者並宜服之

淡竹葉 半把

石膏 肆兩

半夏 參分 人參 半兩

甘草 半兩

麥門冬 貳兩

粳米 壹合 淘過

細剉以水伍升煎貳升半米熟去滓溫飲

進三服夜二服嘔者加生薑一兩半不嘔不用

虛煩或嘔吐脉弦細芤遲手足微寒曾滿者橘皮湯

主之兼治暴煩下利

方在太陰證中

四逆不可發汗發汗則聲嘶舌萎不得前言亂睛眩

者命將難全

咽中閉塞不可發汗發汗則吐血氣微絕手足不能



自温者乾薑甘草湯主之方在太陰證中

淋家不可發汗發汗必便血

瘡家雖身痛不可發汗汗出則痊以癰瘡家膿血過多

動氣在右不可發汗汗出則衄而渴心苦煩飲則吐水

動者謂心腹中虛氣動若誤汗有此證先宜五苓散三服方在可水證中次服竹葉湯方在前

動氣在左不可發汗發汗則頭眩汗出則筋惕肉瞤

此為逆難治但先服防風白朮散次服建中湯方在前防風白朮散

防風 壹兩  
牡蠣粉 半兩  
白朮 叁分

細末温米飲調下二錢日二三服汗出續與建中湯

動氣在上不可發汗發汗則氣上衝正在心端李根



湯主之

半夏半兩 桂枝 當歸 芍藥 黃芩

甘草 人參各壹分 茯苓參分

麤末每五錢水兩盞薑三片甘李根白皮

雞子黃大煎八分通口日三五服

動氣在下不可發汗發汗則心中大煩骨節苦痛目  
運惡寒食則反吐穀不得前先服大橘皮湯得吐止

後服建中湯 大橘皮湯亦主手足冷嘔噦

橘皮壹兩半 生薑貳兩 棗貳拾肆箇 甘草半兩

人參壹分 竹茹半兩



北京中医药大学图书馆版权所有

吐咀水參勝煎壹升半去滓溫服一盞食頃再服  
不當汗而強汗之則津液枯槁而死

### 四逆證

四逆湯治病發熱頭痛脈反沉若不差身體疼痛者  
脈浮遲表執裏寒下利清穀者汗出熱不去內拘急  
支節疼四逆者下利厥逆惡寒者下利腹脹滿身疼  
脈浮者先用四逆溫裏得利止乃可隨證用藥攻表也

甘草壹兩

附子半個

乾薑參分

吐咀以水壹升半煮取陸合去滓溫分作貳服  
手足厥脈微欲絕者當歸四逆湯主之



當歸

桂枝

芍藥

細辛 各壹兩半

棗

參拾陸箇

甘草

木通

各壹兩

㕮咀以水四升半煮二升二合去滓每溫一盞服

和表證

傷寒表不解心下有水氣乾嘔發熱而欬或渴或利或噎或小便難腹滿而喘者小青龍湯主之

麻黃

芍藥

細辛

乾薑

甘草

桂枝

各壹兩半

半夏

參分五倍子

半兩

㕮咀以水六升先煮麻黃數沸去上沫內諸藥煮一升去滓每溫服一盞若渴者去半夏加栝樓根



中醫藥大學圖書館版權所有



壹兩半若微利去麻黃加羌花一雞子大炒赤若  
噎者去麻黃加附子壹枚炮小便不利小腹滿者  
去麻黃加赤茯苓貳兩若喘去麻黃加杏仁壹兩  
壹分無羌花以桃花壹鴨子大不炒代之

太陽病得之八九日如瘧狀發熱惡寒熱多寒少其  
不嘔清便欲自可一日二三度發脈微緩者爲欲愈  
也脈微而惡寒此陰陽俱虛不可更發汗吐下也面  
色反有熱色者未解也以其不能得小汗出其身必  
痒宜桂枝麻黃各半湯

桂枝湯末

麻黃湯末各三分



以水一升半棗三箇生薑三片煎減半去滓溫飲  
一盞未有小汗再服之

服桂枝湯大汗出脈洪證候不改者服桂枝湯如前  
法若形似瘧狀日再發者宜桂枝二麻黃一湯

桂枝湯末壹兩

麻黃湯末半兩

以水一升半薑三片棗三箇煎減半去滓溫飲一  
盞未有小汗再服之

服桂枝湯大汗出後大煩渴脈洪大者白虎湯加人

參主之

方在厥陰證中

龐曰傷寒已得汗身和脈絃細讖語妄見此為津液



不和與小柴胡去仁參加桂枝湯服之津液和自愈  
未差與調胃承氣湯下之

傷寒六七日發熱微惡寒支節煩疼微嘔心下支結

外證未去柴胡桂枝湯主之兼治寒疝腹痛

柴胡壹兩

桂枝

黃芩

人參各半兩

半夏

四錢

芍藥半兩

甘草

一錢

大棗九枚

生薑

半兩

以水三升半煮取一升七合半去滓溫飲一盞

小柴胡湯治傷寒五六日中風往來寒熱胸脇滿

嘿不欲食心煩喜嘔或胸中煩而不嘔或渴或腹中

痛或脇下痞鞭或心下悸小便不利或不渴身微熱

或效者

柴胡 貳兩

甘草

黃芩

人參各三分

半夏 陸錢一字

生薑 三分 大棗 叁枚

咬咀以水六升煮取三升去滓再煎取一升半温

作三服若胃中煩而不嘔者去半夏人參加栝樓

半箇若渴去半夏加人參成貳兩貳錢半括樓根

貳兩若腹中痛去黃芩加芍藥壹兩半若脇下痞

鞭去大棗加牡蠣貳兩若心下悸小便不利去黃

芩加茯苓貳兩若不渴外有微熱去人參加桂枝

壹兩半温覆微汗愈若效去人參大棗生薑加五



北京中醫藥大學圖書館版權所有

味子壹兩壹分乾薑壹兩

傷寒中風有柴胡證但見一證不必悉具凡以此柴胡證而下之與柴胡湯必蒸蒸而振却復發執汗出而解也

病十日以上脉浮細嗜卧者爲已安候小柴胡和之細而遲者勿與

婦人中風七八日續自寒熱發作有時經水適斷者此爲熱入血室其血必結故使如瘧狀發作有時小柴胡湯主之

婦人傷寒發熱經水適來晝日明了暮則讖語如見

鬼狀此為熱入血室無犯胃氣必自愈

先宜小柴胡湯不愈可刺期門

婦人中風發熱惡寒經水適來得之七八日熱除而

脉遲身涼曾脇下滿如結曾狀讖語此為熱入血室

也當刺期門隨其實取之

陽明病潮熱大便溏小便自如曾脇滿不去者小柴

胡湯主之又不大便而嘔舌上白苔者亦宜服之上

焦得通津液得下胃氣因和身濺然汗出而解

陽明中風脉浮弦大而短氣腹滿脇下及心痛久按

之氣不通鼻乾不得汗嗜卧一身及目悉黃小便難

有潮熱時時噦耳前後腫刺之小差外不解病過十



日脉續浮者與小柴胡湯若不尿腹滿加噦者不

可下證血證附

大法秋宜下

陽明病發熱不惡寒汗多者急下之

凡脉沉細數為熱在裏又兼腹滿咽乾或口躁舌乾

而渴者或六七日不大便小便自如或目中瞳子不

明無外證者或汗後脉沉實者或下利三部脉皆平

心下堅者或連發汗已不惡寒者或已經下其脉浮

沉按之有力者宜大承氣湯

大黃 半兩

厚朴 壹兩

枳實 壹枚

朴消 半兩



呔咀以水四升先煮厚朴枳實至叁升下大黃煮  
取壹升半去滓下朴消烱化每溫一盞服利  
後服如作煮散煎每服厚朴枳實末共叁錢水兩盞  
煎壹盞半下大黃末壹錢煎壹盞絞去滓下朴消  
末壹錢烱化服之

陽明與少陽合病而利脉不負者為順也負者失也

互相克為負也脉滑而數者有宿食當下之

其脉大少陽木其脉弦若合病土被木賊克更利  
為胃已困若脉不弦為土不負弦者為土負必死

脉雙弦而遲心下堅或脉大而緊者陽中有陰可下

之病者煩熱汗出如瘡狀日晡則發潮熱者屬陽明

宜大承氣湯陽明土



其脉必實當下之而愈

病人小便不利大便乍難乍易時有微熱喘冒不能  
卧者有燥屎宜下之

傷寒若吐下後不解不大便五六日以上至十餘日

日晡則發潮熱不惡寒獨語如見鬼狀若劇者發則

不識人循衣妄撮常見有此撮空候故改之惕而不安微喘直視

脉弦者生脉澹者死微者但發熱讞語可下之一服

利止後服

過經讞語者可下之

病人不大便五六日繞臍痛煩躁發作有時此有燥



屎故不大便可下之以上並宜大承氣湯

太陽病未解其脉陰陽俱停者必先振慄汗出而解陽微者先汗之而解陰實者先下之而解下之宜大

柴胡湯

柴胡肆兩

黃芩

芍藥各壹兩半

枳實兩枚

生薑貳兩半

半夏壹兩壹分

大棗陸个

大黃壹兩

以水六升煮取叁升去滓再煎每温一盞服

因下之後潮熱而微利者此醫以丸藥下之非其治

也而有表證仍曾鬲滿而嘔者先服小柴胡湯後服

大柴胡湯小柴胡湯在和表證中



傷寒發熱汗出不解心中痞鞭嘔吐下利者大柴胡湯主之  
傷寒十餘日結熱在裏往來寒熱者宜大柴胡湯  
陽明病讞語發潮熱脉滑疾者小承氣湯主之

大黃 貳兩

厚朴 壹兩

枳實 兩枚

以咀水貳升半煎至八合去滓放溫時飲一盞以  
利為度凡大便秘悶恐有表證者但少少飲之微  
下為度不可飲多恐大泄利也虛弱人可作者散  
煎服

太陽病若吐下發汗後微煩小便數大便難者與小  
承氣湯利之則愈

此太陽陽明證也



下利譏語者有燥屎也宜小承氣湯初一服譏語

若更衣者停後服不尔盡與之更衣即登廁也非類語也注漢書更衣之義

痔有更衣挺出頗妨於更衣更衣出清血故以知之

陽明病不吐不下心煩者可與調胃承氣湯方在卷中

發汗後惡寒者虛也不惡寒但熱者實也當和其胃


氣宜調胃承氣湯

傷寒十三日過經譏語者此有熱當以湯下之若小

便利者大便當鞭反下利而脉調和者知醫以九藥

下之非其治也若自下利者脉當微厥今反和者為

內實也宜調胃承氣湯



太陽病過經十餘日心下溫溫欲吐而胸中痛大便  
反澹腹微滿鬱鬱微煩此時極吐下者與調胃承  
氣湯不尔可與之但欲嘔胸中痛微澹者此非柴胡  
證以嘔故知極吐下也屬調胃承氣湯  
傷寒吐後腹脹滿者屬調胃承氣湯

茵陳湯治陽明病發熱汗出者此為熱越不能發黃  
也但頭汗出其身無汗劑頸而還小便不利渴而飲  
水者以瘀熱在裏身必發黃

茵陳蒿 參兩

大黃 壹兩半

梔子

貳拾个大者柒枚

以咀水貳升半先煮茵陳至貳升內二味煮取壹

升貳合半去滓溫飲一盞日三服小便當利尿如  
皂角沫一宿腹減黃從小便出

十棗湯治太陽病中風下利嘔逆表解者乃可攻之  
其人執執汗出發作有時頭痛心下痞鞭滿脇  
乾嘔短氣汗出不惡寒者此表和裏未和也


芫花

甘遂

大戟

等分異杵篩秤末合之  
入臼再杵二三百下

先以水壹升煮芫花棗拾枚擘碎煮取半升去棗用  
煎湯少半調末一錢匕羸人半錢再單飲棗湯送  
之平旦服若下少而病不除明日加藥一錢半如  
前服之服之必利利後糜粥自養



北京中医药大学图书馆藏

效而脇下痛此為有飲宜十棗湯

調中湯治夏月及秋初忽有暴寒折於盛熱結  
支則壯熱頭痛寒傷於胃下利或血或水或赤帶下  
壯熱且悶脈數宜下之久年腸風下之亦差

大黃

參分

葛根

黃芩

芍藥

桔梗

茯苓

藁本

白朮

甘草

各半兩

以咀水參升煎至貳升下大黃取壹升貳合去滓

溫溫飲一盞移時勿鬲食再服之得快下壯熱便

歇其下利亦止凡秋夏早熱積日或有暴寒折之

熱無可散喜搏著肌中作壯熱氣也胃為六府之



北京中醫藥大學圖書館藏

表最易為暴寒所折故也虛人亦不在壯熱但主利  
 或霍亂不宜用此實人有服五石人喜壯熱與別  
 藥下則加熱喜悶而死矣是以宜以此下和其胃  
 氣 調中湯又治陽病因下遂協熱利不止及傷寒不困下而自利  
 表不解脉浮數者皆可去大黃加葛根成壹兩煎服之

茵陳丸療瘴氣及黃病瘡瘻

茵陳 梔子 鼈甲 芒消 各壹兩 大黃 貳兩半

豉 貳合半 常山 杏仁 各壹兩半 巴豆 半兩

細末蜜丸梧桐子大初得時氣三日內平旦米飲  
 服二丸如人行十里久或吐或利或汗出不尔更  
 服一九以熱粥投之老少以意加減丸數服若黃





病痰癖時氣傷食瘖瘧小兒驚執欲發癘服之  
不差者療瘴神驗赤白痢服之亦效春初有積熱  
依上法服之取吐利當年不真受執病服性殺藥者每  
抵党湯治太陽病六七日表證在脉微而沉反不利  
胃其人發狂者乃執在下焦小腹當鞭滿小便反利  
者下血乃愈所以然者以太陽隨經瘀血在裏故也

小腹滿而小便不利者非血證

水蛭

蝱蟲各拾枚

桃仁柒枚

大黃壹兩

攻咀以水貳升半者火至壹升貳合半去滓温温分  
四服未下再服虛人只可作半料服之如作煮散

每五錢水壹盞半煎壹盞去滓服之

桃人承氣湯治太陽病不解熱結在膀胱其人如狂

血自下者乃愈其外不解者尚未可攻當先隨證行

湯解外外已解但小腹急結者乃可攻之不惡為外

桃人肆拾大黃貳兩甘草 桂枝 芒消各壹兩

吐咀以水參升半煎取壹升半去滓內芒消烱化

溫服壹盞虛人減作半料亦可作煮散每伍錢水壹

盞半煎至壹盞去滓下芒消壹錢半烱化服之

桃人承氣湯又治產後惡露不下喘脹欲死服之十差十

龐曰脉朝夕駛者實癖也可下之朝平夕駛者非癖



也不可下 馱謂數脈六七至者也 若脈數一息八九  
至慎不可下 若下之則煩躁下利不止而死 凡數脈  
與皮毛相得亦不可下也 合下不下令病人腹脹滿  
通身浮腫而死

不可下證

脈軟而弱 弱反在關 關下三分也 濡反在顛 關上三分也 微反

在上也 寸口 澀反在下也 尺部 微則陽不足 澀則無血 陽

氣反微 中風汗出而反煩躁澀則無血 厥而且寒 宜

建中湯 方在不可汗證中

陽微不可下 下之則心下痞



諸動氣在心腹上下左右俱不可下

動氣在右不可下下之則津液內竭咽躁鼻乾頭眩

心悸

宜竹葉湯方有不可汗證中

動氣在左不可下下之則腹裏拘急不止動氣左刺

身雖有熱反欲劓

先服乾薑甘草湯方在大陽證中後服建中湯方在不可汗證中

動氣在上不可下下之則掌握熱煩身冷熱汗自泄

欲水自灌竹葉湯主之

方在不可汗證中

動氣在下不可下下之則腹滿卒起頭眩食則下清

穀心下痞堅半夏瀉心湯主之

方在痞證中

咽中閉塞不可下



龐曰諸脉濡弱微虛細相搏俱不可下

諸四逆不可下虛家亦然

龐曰若下證悉具而見四逆者是失下後氣使然但手足微厥掌心常溫時復指稍溫便下可拘忌也

傷寒嘔多雖有陽明證不可攻也

龐曰凡下證小便不利或尚少未可攻之也

不當下而強下之令病人腸胃洞泄不禁而死

可水不可水證

龐曰凡病非大渴不可與冷水若小渴口咽乾小小



呻吟滋潤之若大渴煩躁甚能飲一斗者與五升能飲一升者與半升若乃不與則乾燥無由作汗煩喘而死者多矣但勿令足意飲也若大汗將來躁渴甚者但足意飲之勿疑常人見因渴飲水而得汗見少渴遂強與之致停飲心下滿結喘而死者亦多矣其有熱脉數尚可作汗而解者出於天幸也

五苓散治病入水藥入口則吐或渴而嘔者或汗後脉尚浮而煩渴者或下利渴而小便不利者或因渴停水心下短息者難治嘔而小便不利者皆主之

豬苓

白朮

茯苓

桂枝

澤瀉各半兩



細末白飲調下貳錢日參服數飲煖水汗出效  
陽明病小便數者大便即堅不更衣十日無所苦飲  
得水但與之當以法救渴者五苓散主之  
霍亂頭痛發熱身體疼發熱欲飲水五苓散主之若  
得病無熱但狂言煩躁不安精采不與人相當勿以  
火導之但以豬苓散方寸匕服之當逼飲新汲井水  
壹升即令拍刺喉中吐去之病隨手愈若不能吐者  
勿強與水水停則結心下也當以藥吐之不尔更致  
危病若當吐不時以豬苓散吐之其死迫速矣亦可  
針之尤佳夫飲高實難治此比日三死一生也太陽病



發汗後大汗出胃中乾燥煩不得眠其人欲飲水者  
但與之當稍稍飲之令胃和則愈

可吐不可吐證

龐曰胃高痞悶痰壅塞礙脉得浮或滑並宜吐之  
方在厥陰證中產後六七日內下瀉諸藥不効得此脉

與吐之瀉立止

下利日數十行其脉反遲寸口微滑吐之則止

龐曰虛家當吐而不敢吐之宜以枳實散壓氣毒痰  
水過日毒入胃乃可微下之也

諸四逆脉微弱虛細或弦遲雖中滿悶不可吐宜橘





皮湯枳實散之類 橘皮湯在和表證中  
枳實散在叙論中

不可吐而強吐之氣築心即死矣

可灸不可灸證

燒針令其汗針處被寒核起而赤者必發責脈氣從

少腹上撞者灸其核上一壯與桂枝加桂湯 桂枝湯  
加桂枝足

成壹兩壹分  
如煎法煎之

少陰病其人吐利手足不逆反發熱不死灸少陰七壯

下利手足厥無脈灸之不煖反微喘者死

傷寒脈促手足厥逆可灸之

合炎不灸令病人冷結久而彌固氣衝心而死微數



之脉慎不可灸因火為邪則為煩逆追虛逐實血散  
 脉中火氣雖微內攻有力焦骨傷筋血難復也  
 脉浮當以汗解而反灸之邪無從去因火而盛病從  
 腰以下必當重而痺此為火逆若欲自解當先煩煩  
 乃有汗隨汗而解何以知之脉浮故以知汗出而解  
 脉浮熱甚而灸之此為實實以虛治因火而動咽躁  
 必唾血

不當灸而誤灸令火邪入腹干錯五藏重加煩而死

可火不可火證

下利穀道中痛當以熬鹽末熨之或炒枳實末温

尉火二味相兼益佳若臍下冷結不可便尉尉冷氣攻心腹  
必死須先用藥溫之久而可尉火凡臍下冷結成關陰  
大小便不通服藥雖多不見效以炒鹽尉臍下須更  
即通然關陰已服巴豆甘遂大黃輕粉之類太多即  
暴通利而損人尤宜詳之也

### 可溫證

大法冬宜溫熱藥

少陰病其人飲食入則吐心中溫溫欲吐復不能吐  
始得之手足寒脉弦遲若鬲上有寒飲乾嘔者不可  
吐宜四逆湯溫之

方在四  
逆證中

下利其脉浮大此為虛以強下之故也設脉浮大因  
尔腹鳴宜當歸四逆湯温之方在四逆證中

火邪證

醫以火卧床下或周身用火迫却汗或熨或誤灸皆属火邪也

傷寒脉浮醫以火迫劫之亡陽驚或狂起卧不安者

宜桂枝去芍藥加蜀漆牡蠣龍骨救逆湯

桂枝 壹兩半

蜀漆 壹兩半

甘草 壹兩

龍骨 貳兩

牡蠣 貳兩半

生薑 壹兩半

大棗 陸枚

以水陸升先煮蜀漆減壹升内諸藥煮取貳升  
去滓温服壹盞無蜀漆以恒山代之火劫後脉浮  
當汗出而愈



火邪下之因燒針煩躁者桂枝甘草湯主之

桂枝半兩 甘草

牡蠣

龍骨 各壹兩

以水二升煮一升去滓溫取一盞可代救逆湯使之  
龐曰灸及燒針後證似火劫者並宜火劫治之煩躁  
驚及狂用六石風引湯尤良柴胡加龍骨牡蠣湯亦  
通用

病人因火劫至十五六日身黃下利狂欲走師脉之  
言當下清血如脉肝乃愈後如師言何以知之師曰  
寸口脉陽浮而陰濡弱陽浮為風濡弱為虛浮虛受  
風少血發熱惡寒洒淅項強頭眩醫以火熏鬱令汗



出惡寒遂甚客熱因火而發怫鬱蒸於肌膚自爲黃  
便微難短氣鼻中出血而復下之胃無津液利遂不  
止熱瘀在膀胱畜結成積狀如豚肝當下不下心亂  
迷憤狂走赴水必不能自制蓄血若去目明心  
皆醫所爲輕者得愈極者不治

# 傷寒總論卷第二



# 傷寒總病論卷第三

結胸證

心下痞證

陽毒證

陰毒證

狐惑證

百合證

瘧濕暍證

瘧候 濕候 暍候

發汗吐下後雜病證

傷寒勞復證

陰陽易證

結胸證

病發於陽而反下之熱入內作結胸其病心下堅滿



按之如石鞭而痛項強如柔瘕狀其脉寸口浮關也尺中皆沉或沉緊名曰結胃也下之則和宜大燂湯散今作煮煎之

大黃 壹兩半 芒消 壹兩捌分半 甘遂 末壹

異末先以水壹升半煎大黃半升絞去大黃滓

消末更煮一二沸內甘遂末和勻温分二服一服

快利止後服如作煮散即先以水一盞煎大黃末

肆錢匕至捌分下消末貳錢匕候化勻下甘遂末

半錢匕沸勻温服之移時未利再煎服快利為度

藏結如結胸狀飲食如故時時下利寸口脉浮關上





脉小細沉緊名曰藏結舌上白苔生者難治藏結無  
陽證不往來寒熱其人反靜舌上苔滑不可攻也  
結胃證其脉尺寸浮大者不可下下之則死  
結胃證悉具煩躁甚者死

太陽病脉浮而動數浮則爲風數則爲熱動則爲痛  
數則爲虛頭痛發熱微盜汗出而反惡寒表未解也  
醫反下之動數變遲甚內拒痛胃中空虛宿熱動甚  
短氣煩躁心下懊懣陽氣內陷心下固鞭則爲結胃  
大陷胃湯主之若不結胃但頭汗餘處無汗劑頸而  
還小便不利身必發黃也

結胸無大執者此爲水結在胃脇也但頭微汗出者  
宜大陷胸湯

太陽病重發汗而復下之不大便五六日舌燥而渴  
日晡則少有潮熱從心下至小腹滿而痛不可忍者  
宜大陷胸湯

虛弱家不耐大陷胸湯即以大陷胸丸下之

結胸者項亦強如柔痙狀下之則和宜大陷胸丸

大黃肆兩 葶藶子壹兩半 朴消壹兩捌分 杏仁貳合

杵二味內杏仁朴消合研如脂丸如彈子大抄甘  
遂末壹錢白蜜貳合水貳升煮取壹升溫頓服之



一宿乃下不下更服

小結胃正在心下按之則痛脉浮滑者宜小陷胃湯

半夏

陸岑半

黃連一分

栝樓壹枚用四升

吐咀水參升煮栝樓至貳升下諸藥煮取壹升去滓

溫溫服一盞食頃再服一日盡劑微解下黃涎即愈

太陽病下之脉促者不結胃此為欲解也脉浮者必

結胃脉緊者必咽痛脉弦者必兩脇拘急脉細數者

頭痛未止脉沉緊者必欲嘔脉沉滑者協熱而利脉

浮滑者必下血

寒實結胃無熱證者與三物白散方

小陷胃者非也



桔梗參分 巴豆壹分 貝母參分

細末內巴豆研勻白飲調下壹錢羸人減之病在  
藎上必吐在藎下必利未利啜熱粥投之利過不  
止飲冷粥止之

龐曰近世治結胃多行針頭丸用硫黃陽起石者皆  
病熱毒甚者必死唯治冷結寒實耳

### 心下痞證

病發於陰而反下之為痞發熱惡寒為陽誤下則為結胃無熱惡寒為發於陰誤下則為痞氣

傷寒下之後若發熱汗出者為欲解若心下滿而鞭痛  
者此為結胃也但滿而不痛此為痞氣宜半夏瀉心湯



甘草

黃芩

乾薑

人參各壹兩半

黃連半兩大棗陸枚半夏壹兩壹分

呖咀水陸升煮取參升去滓再煎壹升半溫溫飲

一盞日三夜二

設下後津液入裏胃虛上逆寒結在  
心下故宜辛甘發散半夏下氣苦能

去濕兼通心氣又甘草力大  
故乾薑黃連不能相惡也

心下痞按之濡其脉關上浮者宜大黃黃連瀉心湯

大黃 壹兩

黃連

黃芩 各半兩

呖咀以𩇑眼沸湯壹升漬之須臾絞去滓溫溫分

四服得利止後服

寒濕迫心氣不  
行欲作熱也

心下痞悶而復惡寒汗出者大黃黃連瀉心湯內加



附子主之

附子

壹枚炮去皮尖四破以水參合煎壹合去附子以附子汁內湯中和勻服之

與瀉心湯而痞不解其人渴而口乾躁小便不利者

五苓散主之

方在可水證中

傷寒汗出解之後胃中不和心下痞鞭乾噫食臭

下有水氣腹中雷鳴下利宜生薑瀉心湯

生薑貳兩

人參

甘草

黃芩各壹兩半

半夏

壹兩

大棗

陸枚

黃連

乾薑各半兩

㖞咀水伍升煮取參升去滓再煎取壹升半温作

四服

胃中不和為少陽木氣所制故用二薑之辛味

傷寒中風醫酒反下之其人下利日數十行穀不化腹



中雷鳴心下痞鞭而滿乾嘔心煩不得安醫見心  
痞謂病不盡復下之其痞益甚此非結執但以胃中  
虛客氣上逆故使鞭也甘草瀉心湯主之

甘草貳兩 黃芩

乾薑

人參各半兩

半夏

壹兩 壹分

大棗

陸枚

黃連

半兩

呔咀水伍升煎至叁升去滓再煎取壹升半温作

四服

胃虛故加甘味

大下後復發汗心下痞惡寒者表未解不可攻痞當

先解表表解乃可攻痞攻痞宜大黃黃連瀉心湯前

附子是汗出多而惡寒表將解而裏結未除故也此證是發後無汗惡寒故先須解表也



傷寒發熱汗出不解心下痞鞭吐嘔下利者大柴胡

湯主之

汗出嘔吐下利是胃中津液燥裏有結實非胃虛也故以大柴胡湯下之

病人脇下素有痞連臍傍引小腹入陰筋者此為藏結

死

陽毒證

初得病一二日便成陽毒或服藥吐下後變成陽毒

其病腰背痛煩悶不安狂言欲走或見鬼或下利其

脉浮大而數面赤班班如錦紋咽喉痛吐下膿血五

日可治七日不可治升麻湯主之不可作者煮散

升麻

當歸

甘草

各貳分

雄黃

研壹分

桂枝壹分 鼈甲半兩

半兩

蜀椒

半分





呔咀水貳升煎壹升去滓温服一盞食頃再服温  
覆手足出汗汗出則解未解重作之得吐尤佳  
陽毒宜葛根龍膽湯

方在雜發汗證中

### 陰毒證

初得病一二日便成陰毒或服藥六七日以上至  
日變成陰毒其病身重背強腹中絞痛咽喉不利毒  
氣攻心心堅強氣不得息嘔逆唇青面黑四支厥冷  
其脉沉細而緊仲景云陰毒之候如被杖喉咽痛五  
六日可治七日不可治甘草湯主之

不可作  
煮散

甘草

鼈甲

升麻

當歸

桂枝各貳分



北京中醫藥大學圖書館藏

蜀椒壹分 雄黃壹分

咬咀水參升煎取壹升去滓溫溫每飲一盞食後  
再服溫覆中毒當汗吐之汗吐則愈不吐再服

治陰毒反陰丹

硫黃

伍兩  
研末

太陰玄精石

味鹹者  
研末

硝石

研末各取兩

用鐵銚子先鋪玄精石一半次鋪硝石一半中間

下硫黃又以硝石蓋硫黃都以玄精石蓋之用蓋

子合定令三斤炭火燒令得所勿以煙出多急取

出以尾盆合定地下四面灰擁勿令煙出直候冷

取細研丞餅心丸豌豆大艾湯下十五丸病重加



北京中醫藥大學圖書館版權所有

至二三十九此法甚驗喘促吐逆者入口便安服  
此藥三五服覺不退便於臍下一寸半灸之須臾  
大炷百壯未愈可至二百壯若手足極冷小便澀  
小腹鞭疔痛囊縮即須更於臍下四寸如前灸之  
乃與當歸四逆并反陰丹頻頻與服內外通逐方  
可解若稍緩即死矣當歸四逆乃加吳茱萸生薑  
者是慎勿與尋常利小便藥此是陰毒氣結在小  
腹所致也有見小便不通用炒鹽及裏熱藥熨  
臍下欲望小便通利其冷氣在小腹之間被熱物  
所熨無處通出即奔上衝心其死速矣

又治陰毒硫黃丸

硫黃貳兩

水銀壹兩

同研入銚洒少醋慢火炒欲似煙出再出火酒醋  
如此三四徧地上放冷研之烝餅丸梧桐子  
服二十三十九艾湯吞下日三服食前

陰毒脉沉微欲絕四支逆冷大躁而渴不止附子飲子

附子

壹枚半兩以上者  
炮去皮尖四破

以水九升煎至三升去附子入瓶油單緊封沉井  
底候極冷取飲之仍下硫黃丸甚妙

陰毒之爲病因汗下藥性冷所變多在四五日也或



素來陽氣虛冷始得病便成陰毒或始因傷風傷冷物便成陰毒其病六日內可治過六日不可治

### 狐惑證

狐惑之為狀如傷寒或因傷寒變成斯疾其候默默欲眠目不得閉卧起不安蝕於喉為惑蝕於陰為狐不欲飲食惡聞食臭其面乍黑乍白上部則聲啞甘

草瀉心湯主之

方在痞證中

蝕於下部則咽乾蝕於肛門

者燒雄黃薰之

雄黃壹味燒薰下部

病者脉數則熱微煩默默

但欲卧汗出初得之三四日目赤如鳩眼七八日則

兩目四眦周皆黑若能食者膿已成也赤小豆當熇



散主之

赤小豆

壹升浸生芽曝乾

當歸 壹兩

細末漿水調下二錢日三服

百合證

龐曰百合病者百脉一宗悉致其病意欲食復不能食常默默欲卧復不能卧欲出行復不能行或有寒食時或惡聞食臭時如寒無寒如熱無熱口苦小便赤諸藥不能治得藥則增劇吐利者如有神柴者身形如和其脉微數每溺時頭痛者六十日乃愈若溺頭不痛漸然者四十日愈若溺快然但頭眩者二十日愈其證或未病而預見或病四五日而出或二十



日或一月微見者隨證治之

治汗後百合病百合知母湯

百合 拾枚 知母 壹兩半

百合先洗漬一宿當白沫出去其漬水別以清泉

水壹升半煮百合取壹升去滓又別以泉水壹升

煮知母取半升去滓同百合湯煎至壹升溫分三服

治下後百合病滑石代赭湯

百合 拾枚 滑石 壹兩半 代赭 半兩

先以水漬百合一宿當白沫出則去其水更以泉

水壹升半煮取一升去滓別以泉水一升煮滑石



代赭取半升去滓合和重煎至一升分温三四服

治吐後百合病百合雞子湯

百合拾枚

雞子黃貳枚

先以水洗百合漬一宿當白沫出去其水更以泉

水一升煮取一升去滓下雞子黃攪勻分温三服

治不經吐下發汗百合病形如初者百合地黄湯

百合拾枚

地黄汁半升

先以百合水漬一宿有白沫出去其水更以泉水

一升半煮取一升去滓內地黃汁再煮取一升二

合温温分三服中病勿更服





治百合病一月不解變成渴者百合湯洗之

百合

一升如煎洗先漬一宿當白沫出去其水

更以水一斗煎數沸洗周身慎風仍食白湯

勿與鹽豉也煮餅是切麵條湯煮水淘過熱湯

渴不差栝樓牡蠣散主之

栝樓無黃脉者

牡蠣粉等分

細末水調方寸匕日三服

治百合病變發熱百合滑石散

百合

壹兩

滑石

參兩

細末清飲調方寸匕日三服當微利熱則除已利勿服之



百合病見於陰者以陽法救之見於陽者以陰法救之見陽攻陰復發其汗此為逆見陰攻陽乃復之此亦為逆

瘧濕暍證

傷寒所至太陽病瘧濕暍此三種宜應別論以為傷寒相似故此見之

瘧

太陽病發熱無汗反不惡寒名曰剛瘧

太陽病微熱汗出不惡寒名曰柔瘧

病源云惡寒

其證身熱足寒頭強項急惡寒時頭熱面赤目脉赤



獨頭搖卒口噤背反張者痙病

太陽病發汗太過因致痙

素問曰太陽所至為寢汗至又云肺熱移於腎傳為柔痙始

陽中風發熱而故迫肺金金投子而避害故移熱於胃水木火迫則上升復凌心位水入火鄉而為郡若汗大多因而致痙

痙病卧不着席小兒腰背去席二指大人側掌為難

治痙病脉弦直上下行

仲景云太陽病證其身躰凡凡然脉反沉遲者為欲

作痙宜桂枝加栝樓湯

栝樓不主中風強項凡凡其意治肺熱令不能移於腎也桂枝湯內當加栝樓四兩

痙病不宜大發汗及針灸宜小汗之

柔痙宜桂枝加葛根湯

桂枝湯內加葛根四兩



剛瘧宜葛根麻黃湯 方在解表證中

剛柔瘧加減葛根麻黃湯

葛根 麻黃 生薑 各壹兩 防風 芍藥

白朮 人參 芎藭 黃芩 防己

桂枝 甘草 各半兩 附子 壹枚

咬咀水六升先煮麻黃葛根數沸去上沫內諸藥

煮取二升去滓飲服一盞食頃再服日四五夜二

三柔瘧自汗者去麻黃加葛根成壹兩半

剛瘧胃滿口噤卧不着席脚攣急其人必斷齒宜天

承氣湯下之 方在可下門中



濕證

太陽病關節疼痛而煩脉沉緩濕痺之候其久小便不利大便反快只當利其小便宜五苓散方在後證中水濕家之為病一身發熱身如重黃仍治風濕痺身汗出惡風宜黃耆湯

黃耆貳兩半 防已貳兩 甘草壹兩 白朮

生薑各壹兩半 棗拾陸个

咬咀水四升煎至二升去滓溫飲一盞食久再服喘者加麻黃壹兩胃中不和者加芍藥壹兩半氣上衝者加桂枝壹兩半下有陳寒者加細辛壹兩

服後當如蟲行皮中從腰下如水厚坐被上又以  
一被繞腰以下令微汗出

濕家其人但頭汗出背強欲得被覆向火若下之早  
則噦胃滿小便不利舌上如胎者此丹田有熱胃中  
有寒渴欲得水而不能飲口燥故也

濕家下之額上汗出微喘小便不利者死下利不止者亦死  
問曰風濕相搏一身盡疼痛法當汗出而解值天陰  
雨不止汗出已解身復痛何也答曰發其汗汗大出  
者但風氣去濕氣續在是故不愈也若治風濕著發  
其汗但微似欲出汗者風濕俱去也

濕家病身上疼痛發熱面黃而喘頭痛鼻塞而煩其  
脉大自能飲食腹中和無病病在頭中寒濕故其寒  
細末瓜蒂含永畜少許暈中則愈

濕家身煩痛可與麻黃湯內加白朮貳兩

麻黃湯可汗

病者一身盡疼發熱日晡則劇者此名風濕此病因  
傷於汗出當風或久傷於冷所致也可與杏仁薏苡湯

麻黃

壹兩半

杏仁

肆拾伍枚

薏苡仁

甘草

半兩

咬咀以水二升先煮麻黃一二十沸去上沫內諸  
藥煮取一升去滓溫二三服

傷寒八九日風濕相搏身體煩痛不能轉側不嘔不

渴脉浮虚而澁者宜桂枝附子湯此治大便自利  
便不利者

桂枝貳兩附子貳枚生薑壹兩半大棗拾貳枚甘草壹兩  
啖咀以水三升煮取一升去滓分溫四服若大便  
堅小便自利者去桂枝加白朮貳兩煎如前法  
一二服身如痺半日許服之都盡其人如冒狀勿  
怪此乃朮附并走皮膚逐水氣未得除故使之耳  
風濕相搏骨節疼痛不得屈伸近之則極汗出  
短氣小便不利惡風不欲去被或有微腫者甘草附  
子湯主之





附子貳枚 白朮貳兩 桂枝參兩 甘草貳兩

咬咀水三升 煮取一升 去滓 分溫三服 身腫者加防已貳兩 悸氣小便不利 加茯苓壹兩半 溢水成四升 煎一升 三合

暍證

太陽中熱者暍是也 其人汗出惡寒 身熱而渴 白虎湯加人參主之

方在厥陰證中

太陽中暍者 身熱疼重而脈微 此夏月傷冷水 水行皮中 所致也 瓜蒂湯主之

瓜蒂 貳拾柒枚



水半升煮取二合半去滓温服

太陽中暍發熱惡寒身重而疼痛其脉弦而細乳而遲小便已洒然毛聳手足逆冷小有勞身即熱汗則開板齒燥若發其汗則惡寒甚加温針則反熱甚下之則淋甚宜大小橘皮湯大橘皮湯在不可汗證中小橘皮湯主手足冷嘔噦

橘皮 貳兩

生薑 肆兩

咬咀水三升煮取一升半去滓作四服稍熱呷之

發汗吐下後雜病證

病人脉微而瀦此乃醫所病大發其汗又數大下之其人亡血病當惡寒後乃發熱無休止時夏月盛熱

欲着複衣冬月盛寒欲裸其躰所以然者陽微則惡寒陰弱則發熱此醫發其汗使陽氣微又大下

陰氣弱五月之時陽氣在表胃氣虛冷以陽氣而微不能勝冷故欲着複衣十一月之時陽氣在裏胃中

躁熱以陰氣內弱不能勝熱故欲裸其身又陰脉遲

瀦故知亡血也此皆可治陽微惡寒四逆陰弱發熱為內熱病宜苦酒艾之類

大下後復發汗小便不利者亡津液故也勿治之得

小便利必自愈

發汗後其人臍下悸者欲作奔豚茯苓桂枝湯主之

茯苓肆兩 桂枝貳兩 甘草壹兩 大棗棗捌个



方三  
十五  
呔咀以甘爛水五升先煮茯苓減一升內下諸藥  
煮取一升半溫溫作三服

作甘爛水法

取水貳斗置大盆中以楊柏枝擊水上有珠等五  
六千箇相逐取用之

發汗或下後痞滿或成寒實結胃氣塞不通宜檳榔散  
檳榔貳个一生一煨

細末酒二盞煎二盞四分作兩服溫飲之兼治虻  
厥心腹刺痛南海本草治膀胱氣佳

龐曰因發汗時汗出如水漏下還復汗少喘促不止



脉促而按之濡者合當汗而解脉促而按之實者死  
若脉浮手足微厥面垢脣青昏憤而喘者陰陽未和  
尚阻升降宜服順陰陽五味子湯

麻黃 半兩 人參

五味子

麥門冬

杏仁

橘皮

生薑 各壹分

棗 柒枚

呔咀水二升煮七合去滓通口服一盞未差再作  
二三服手足厥甚者厚衣護其厥

下後復發汗晝日煩躁不得眠夜而安靜不嘔不渴  
無表證脉沉微身無大熱者宜乾薑附子湯

不可作  
煮散

乾薑 壹兩

附子 壹枚生



六三  
呖咀水一升半煎至半升時飲一小盞食久再服  
傷寒若吐下後心下逆滿氣上衝胃起則頭眩脉沉  
緊發汗則動經身為振振搖者宜茯苓白朮湯  
茯苓貳兩 桂枝壹兩半 白朮 甘草各壹兩  
呖咀水三升煮至一升半去滓分温四服

發汗吐下後虛煩不得眠若劇者必反復顛到心中  
懊懣香豉梔子湯主之少氣者加甘草嘔者加生薑  
梔子香豉湯

肥梔子貳拾枚

香豉兩合綿裹

水二升煎梔子至一升三合下豉取七合半去滓



每進一盞得吐止後服

梔子甘草湯前湯內加甘草壹兩同梔子煮後下豉  
如前法加水半升

梔子生薑湯前方內加生薑貳兩半同梔子煮後下  
豉同煎法加水一升

傷寒五六日大下之後身執不去心中結痛者欲解  
也屬梔子香豉湯主之用前方

下後腹煩滿起卧不安者梔子厚朴湯主之

梔子八个大者 厚朴貳兩 枳實二枚

哎咀水二升煮一升去滓温飲一盞



傷寒醫以丸藥下之身熱不去微煩梔子乾薑湯主之

肥梔子八个

乾薑 壹兩

以水一升七合煮取八合去滓分温三服

凡用梔子湯得効即止後服病人舊有微溏不可與之發汗若下之而煩熱胸中窒塞者梔子湯主之

傷寒五六日已發汗而復下之胸脇滿微結小便不利渴而不嘔但頭汗出往來寒熱煩者此表未解柴胡桂枝乾薑湯主之

桂枝

黃芩各壹兩半

柴胡肆兩

枳椇根貳兩

乾薑

甘草

牡蠣

各壹兩





吐咀水六升煎至三升去滓再煎一升半温温將  
飲一盞食頃再服

傷寒發汗若吐下解後心下痞鞭噫氣不除者旋復  
花代赭湯主之

旋復花 甘草各壹兩半 人參壹兩 生薑貳兩半

代赭末半兩 棗三枚 半夏壹兩半

吐咀水五升煎三升去滓再煎取一升半温分四服

傷寒若吐下後七八日不解熱結在裏表裏俱熱時  
時惡風大渴舌上乾燥而煩飲水至數升者白虎加

人參主之

方在厥陰證中



傷寒八九日下之胃滿煩驚小便不利讖語身重  
可轉側者柴胡龍骨牡蠣湯主之

柴胡貳兩龍骨

黃芩

生薑

鈆丹

人參

桂枝

茯苓

牡蠣各參分半夏壹合

大黃壹兩棗陸个

咬咀水六升煎取三升下大黃切如棊子塊更煎  
取貳升去滓溫飲一盞

傷寒服湯藥下利不止心下痞鞭服瀉心已復以他  
藥下之利不止醫以理中與之利益甚理中治中焦  
此利在下焦以赤石脂禹餘糧湯主之復不止當以



五苓散利小便 五苓散方在  
可水證中

赤石脂禹餘糧湯

赤石脂 禹餘糧各八兩

水四升煮取二升去滓溫飲一盞

太陽病外證未除而數下之遂協熱而利利不止心

下痞鞭表裏不解者桂枝人參湯主之

桂枝 甘草各貳兩 白朮 人參 乾薑各壹兩半

ㄨ咀水五升先煮四味取三升內桂更煮取一升

去滓溫分三服

發汗後腹脹滿者厚朴人參湯主之



厚朴四兩 甘草壹兩 生薑四兩半 夏壹兩壹分 人參半兩

以水五升 煮取一升半 去滓 溫分三服

治頭痛壯熱 心中煩 黃芩 梔子湯

黃芩 梔子各壹兩半 石膏 乾葛各貳兩

豉半兩 葱白寸切半斤

吐咀水四升 煮取一升半 溫溫作三四服 始得病

便如前證 亦可服 治夏月傷暑 毒殊驗

傷寒發汗後 或未發汗 頭痛如破 宜葱白湯

連鬚葱白寸切半斤 生薑貳兩

水二升 煮一升 去滓 溫溫作二三服



服前湯頭痛未解宜葛根葱白湯

葛根壹兩

芍藥

芎藭

知母各半兩

葱白壹握寸切

生薑壹兩

呔咀水二升半煮取一升去滓温温分減服

傷寒頭痛立効荆芥散

天南星

草烏頭

肉白者生用

荆芥穗

各半兩

石膏

壹兩

細末每服二錢半陳茶一錢薑汁半呬薄荷三葉

水兩盞煎至八分温温相次三服

傷寒嘔吐不止惡寒脉細或浮遲宜理中丸兼治霍

乱吐利及傷寒後發熱水停喜唾者



人參

乾薑

甘草

白朮各壹兩

細末蜜丸雞子黃大每服一九百沸湯一盞化令  
細煎三五沸溫服之霍亂臍上築者不宜本可作  
湯去朮加桂一兩半水三升煎取八合稍熱服之  
吐甚去朮加生薑一兩半作湯煎如前法飲熱湯  
一椀微溫覆之勿發揭衣被有寒腹滿痛或四肢  
拘急或下利轉筋加生附子二枚作湯服之

治傷寒嘔吐欲死生薑夏湯

半夏

壹兩半

生薑夏參兩

水三升半煮一升去滓溫溫分四服

治嘔吐發熱脉滑數或洪者茅根湯

茅根半升 麥門冬貳合半 半夏壹兩 人參半兩

茯苓半兩 生薑貳兩

呖咀水五升煎一升半去滓温温分減服

霍亂頭痛發熱身疼多飲水者宜五苓散

方在水澄中

傷寒發熱自利脉浮大數及鼻血或嘔者宜黃芩芍藥湯

黃芩壹兩半 芍藥 甘草各壹兩

呖咀水五升煮取一升半去滓分四服嘔者加半

夏一兩一分生薑一兩半煎服

治傷寒執痢或蕪腹痛黃連當歸丸



黃連

當歸各叁兩 乾薑

赤石脂各壹兩

細末蜜丸梧桐子大米飲吞下二三十丸日三夜二服  
傷寒下利如爛肉汁赤帶下伏氣腹痛諸熱毒者主  
之薤白梔子湯

豉半升綿裹

薤白壹握

肥梔子大者柒个

水三升半先煮梔子十沸下薤白煎至二升去滓  
下豉煮一升半溫溫分減服必解下惡積

傷寒汗解因飲酒復劇苦煩悶乾嘔口燥伸吟錯誤  
不得卧此藥解熱毒除酷熱不必飲酒劇者療五日  
中神効黃連黃蘗湯





黃連

壹兩半

黃芩

黃蘗

各壹兩

肥梔子

拾貳个

咬咀水三升煎一升二合去滓温温分減服未差更作

傷寒四日而大下熱利時作白通諸藥多不得止四

順湯熱白通湯苦温除熱止利莫若黃連孰湯

黃連

黃蘗各壹兩半

龍骨

一兩

孰艾

兩雞子大

咬咀水四升煮一升二合去滓分減温服

龐曰凡冷利皆宜四逆冷利臍下必寒水穀黃白色

或青黑也執利臍下必執利黃赤色也天行執毒下

利赤白及下膿血及下部毒氣當下細蟲如布絲縷

大或長四五寸黑頭銳尾宜鹿射香丸

麝香壹錢 附子 雄黃丹砂 乾薑 巴豆各貳錢

搗下篩訖煉蜜和丸小豆大米飲下二九未

之此方本无巴豆是古方脫去服之不効今增巴豆試之甚驗

傷寒後咳噫肉豆蔻湯

肉豆蔻壹个 石蓮肉炒 茴香各壹分 丁香半分

生薑 人參各貳分 枇杷葉伍片拭去毛炙

改咀水三升煎至一升半分四服空心煖飲之

龐白傷寒汗後咳噫不止是陰陽氣升降欲作汗并之不上降之不下故胃氣上逆而咳噫無休止者宜

良薑方



橘皮 良薑 桂枝 當歸 各壹分 麻黃 半兩

檳榔 叁个 杏仁 貳拾个 甘草 壹分 生薑 壹分 大棗 拾个

呔咀水二升半煎至一升去滓下檳榔末又煎三

沸去滓通口服一盞未已再一劑

時行頭痛心如醉狀面愛向黑處不欲見人此為瘧

熱不散速行大青湯與服不尔狂走赶人大青湯

大青葉 秦芫 吳藍 升麻 薺芫

栝樓根 各貳分 甘菊 壹分 石膏 叁分 竹瀝 貳合 朴消 三分

呔咀分二貼每服一貼水二升半煎至一升二合

去滓下竹瀝朴消分温四服肉色黃加茵陳六分



面似火加梔子十四枚加水成三升煮取一升  
温飲一盞

七八日熱盛不解苦葶藶湯

苦酒

壹升半

苦葶藶

壹合

生艾汁

半升

同煎至七合作二服此療內熱病有牛黃一

尤良阮河南曰今諸療疾多用辛甜薑桂人參之

屬此皆貴價難得常有必欲求之轉以失時而苦

參青箱葶藶子艾之屬所在盡有之除熱解毒最

勝向貴價藥也前後數參並用之得病內熱者不

必按常藥次也便以青箱苦參艾苦酒療之但少



促其間耳無不解者

苦酒即米醋也

龐曰辛甜薑桂人參之屬是發散寒氣之藥其病未傳成內熱者為調治之大要藥也決不可慮其酸苦之藥正治內熱病急要之藥也設當行辛甘而用酸

苦設當行酸苦而用辛甘是昧於陰陽之用如此毀殺之耳其辛甘酸苦自是調治通行之要藥若論苦則忌甘論甘則忌苦雖有屢中誠為粗工矣

傷寒發黃者先用瓜蒂末內鼻中口含水搐鼻中去黃水用五苓茵陳散最良

時行一切不知身上疼痛不寒亦不熱沉沉似有所思

中國醫藥大學圖書館版權所有

順事多語此藏正傳熱麻人龍膽丸服此藥不死

大麻人

大黃

各壹兩

柴胡

黃芩

白鮮皮

秦艽

赤芍藥

龍膽草

各貳分

黃連

壹分

梔子

細末蜜丸如梧桐子大食後煎淡竹葉湯下三十

九日與三服以大利為度十日小差壹月平復

地黃湯療傷寒及溫病應發汗而不與發汗五內有

瘀血者及鼻衄吐血不盡內執瘀血面黃大便黑者

此方主之消化瘀血甚良

生濕地黃

肆兩

牡丹皮

芍藥

犀角屑

無以升麻代各半兩

咬咀水貳升煮取壹升去滓溫溫飲一盞喜忘如

狂者加地黄黃芩各三分加水一升脉大來遲復  
不滿自言滿者為無熱不用黃芩也

鼻衄或吐血下血黃芩湯

黃芩肆兩

呔咀水三升煮一升半溫飲一盞兼治婦人漏下  
血不止黃蘗更佳

吐血百治不差此方療十差十大黃散

地黄汁半升 生大黃末壹方寸匕

煎地黄汁三沸下大黃末調勻空腹服之每溫飲  
一小盞日三服血即止



熱病毒氣入眼赤痛生翳不見光明者大黃梔子湯

生大黃

壹兩

升麻

半兩

瞿麥

甘草各壹分

梔子

壹分

咬咀水二升煎至一升去滓溫作四服以利為度難

利者煎藥畢下朴消二分和服先煮諸藥至一升半

乃下大黃大黃先以水漬和水下之則折熱易利

治毒病入眼忽生赤翳或白或腫膚起或赤痛不得

視光明入心肝或眼浮腫如吹汁出生膜覆珠子或

內障不見物良由病後不慎酒麪炙燻五辛所致宜

服此頻利之秦皮大黃湯

秦皮

柴胡

常山

黃芩

升麻





芍藥 白斂 枳實 甘草各半兩 大黃 參分

咬咀水參升煮貳升下大黃再煎一升半去滓食  
後溫飲一盞熱盛者加焰消半兩湯成後下化食  
服未差更作可至五七劑

又方滴眼湯 斑豆瘡不宜用

秦皮 升麻 黃連各半兩

細剉水二升煎至一升綿包筋頭搵湯滴入眼中  
頻頻用之

下部厖瘡雄黃散

雄黃 青箱子 苦參 黃連各參分 桃仁壹分



爲散以艾汁和丸棗核大綿包內下部篇蓄汁  
佳冬月無艾濃煎艾汁和爲丸更以米飲調下  
錢溫飲之日二服

治廣瘡青黛丸

青黛 丁香 黃連 等分

細末甘淀和丸棗核大口中含瘡含之咽汁若下  
部有瘡綿裹內下部日含化五六十丸差

牽馬丸治天行四五日下部生瘡醫所不能治此方主之

附子壹分 藜蘆 桂枝 巴豆 各半兩 去皮心 炒黑

細末別研巴豆加蜜杵丸梧桐子大空心熱水下



二九未加三九熱在膈上不下飲熱湯半升  
吐之下部匿自差神良

天行口瘡黃蘗升麻湯

黃蘗

升麻

甘草

生各半兩

咬咀水一升半煮半升入地黃汁一合煎半升分  
二服細呷之

又方薔薇飲子

薔薇莖葉切一升

冬用根皮

水三升煮半升溫溫漬之去涎喉咽有瘡者噉汁  
少許為佳



又方黃蘗飲子

黃蘗薄切小片蜜漬一宿嚼蘗汁漬瘡

又方五倍子散

五倍子炒為末傳之涎出吐去以差為度  
傷寒喉中痛閉塞不通射干煎

生射干

猪脂各半斤

合煎令射干色微焦去滓取壹棗大綿裹含稍稍嚥之  
治喉咽痛塞鵬砂散

鵬砂

僵蚕

牙消

白礬

甘草

雄黃

各壹分

硃砂半分

草烏頭尖肆箇



細末米飲調一錢細細呷之

古方黑龍煎治咽喉腫痛九種疾

人參半兩甘草壹兩無灰酒壹升不虫皂角

水三斗浸皂角一宿淨鐺內煎令水減半次下人

參甘草細切又同煎三分耗二布絞去滓下酒更

入金煤一匕半攪煎如錫稀入堯合內埋地中一

宿若用時取一丸如雞頭大盞中以溫酒一呷化

之先以水漱口以鵝毛點藥入喉中掃之有惡涎

或自出或下腹可兩三度引藥方歇良久令吐候

惡物出盡了令喫少許水浸丞餅及軟飯粥壓之



次含甘草一寸嚙汁忌炙燻胡餅猪肉淹藏等物  
如木舌難下藥以匙按舌用藥掃喉中

九般名

急喉閉 纏喉風 結喉 爛喉 重舌

木舌 遁蟲 虫喋 飛糸入喉

元祐五年自春至夏秋蘄黃二郡人患急喉閉十  
死八九速者半日一日而死黃州潘推官昌言親

族中亦死數口後得黑龍膏救活者數十人

龐曰急切亦不候合此膏用古方以意處之但得不

蚰皂角一兩條槌碎水三升半浸少時揉汁去滓下



草一分人參三分同煎作稀膏勿令太稠乃下後藥

霜梅上白鹽

硃砂

焰消各等分

三味生研用煎膏斟酌和勻可以掃得為度每以

鵝毛搵少許如前法掃喉中甚效其將息次第

如前法此膏得力尤速若日久膏乾以甘草水化

之病差後曾喉外生瘡勿疑無鹽梅以白鹽代

天行手足腫疼痛欲脫者濃煎虎杖汁漬之

天行後毒氣手足腫痛欲脫必作癰膿升麻大黃湯

升麻 木通 白欵各參分黃芩 芍藥各壹兩

甘草 半兩 大黃 壹兩半



呔咀水參升煮二升半下大黃煮一升半温温飲  
一盞利下為度

傷寒勞復證

病新差後氣血津液衰耗慎勿為諸勞動事  
思慮勞神梳沐澡類勞力則生熱而復病如初也  
新差後精髓枯燥切不可為房事犯房事勞復必死  
魏督郵顧子獻病差後華敷囑之慎勿為勞事餘勞  
尚可女勞即死此是女勞復非陰陽易也素問云  
病熱而有所遺者是新差後腸胃尚弱若多食則難  
消化而復病如初也此是食復新差強人足兩月虛





弱人足百日則無復病矣

天行勞復頭痛四肢疼葱豉湯

葱白

豉半升

水二升半煎葱爛去滓入雄鼠屎三七枚末之  
勻分再服未差更作

天行勞復作熱且至晚則腰背痛頭項強重葛根

薑豉湯

芍藥

生薑

各壹兩半

豉

葱白

各貳兩

葛根貳兩

呔咀水三升煎二升下豉煎一升半去滓溫飲一盞

大病差後勞復枳實梔子湯



枳實壹分 肥梔子拾貳个 香豉半升

將水三升煮枳實梔子至二升下豉煮一升半去滓

溫飲一盞溫覆微汗食復者加大黃棊子六枚

同煎服之愈

療傷寒已差勞復如初脈淨無汗者桂枝梔子湯自汗者去麻黃

梔子拾貳个 豉半升 桂枝 麻黃各壹兩

呔咀水三升煎至二升下豉取一升半去滓溫飲

一盞溫覆取小汗差

療傷寒勞復如初自汗出者脈浮滑煩躁甚宜此方

梔子石膏香豉湯



梳子拾陸个 石膏肆兩 香豉壹兩綿裹

水三升先煮二味至二升半下豉煮取一升半去

滓温飲一盞 一法湯成入雄鼠矢二七枚末良

病未平復後勞動致熱氣攻胃手足拘急搖擗如中

風狀瓜蒌湯

瓜蒌根 肆兩無黃脉者 淡竹茹半斤

水三升煮一升二合去滓日二三服温與之

婦人病未平復因夫所動小腹篋中急痛腰胯疼四肢不任舉動無熱證者附子黃耆湯

白朮 當歸 桂枝 附子 甘草 芍藥



人參各半兩

黃耆參分

生薑壹兩半

吹咀水四升煮至一升半去滓通口服一盞食後再服溫覆取小汗

男子勞房成復病鼠屎湯

薤根壹升

鼠屎

貳拾壹个為末矢頭尖硬者是即牡鼠也

水三升半煮薤根至一升半去滓下鼠屎末再煎

三沸溫飲一盞相次三服衣覆必有黏汗為效未

汗再作一劑兼治陰陽易神驗

男子房勞復發熱口噤臨死舌出數寸又始得病百節痛如被打渾身沉重恍惚失措脉促而絕不可治



或有吐涎不止或有譫妄煩亂者皆不可治

天行差後勞復發熱嘔吐食不下蘆根湯

蘆根半升 生薑貳兩 橘皮 枇杷葉 各壹兩

呔咀水三升煮一升半去滓溫飲一盞大故煩

躁加石膏貳兩加水一升煮二升

### 陰陽易證

陰陽易病者陰陽相感動其毒氣着人如換易也男

子病新差女子與之交女子得病名曰陽易女子病

新差男子與之交男子得病名曰陰易若二男二女

則不相易然女犯男得病鮮有死者男犯女得病救



稍緩則十無一人得生者若女犯男男自發勞復則  
女不病男犯女女自發勞復則男得病亦輕富貴之  
家雖知其事後生輕於自恣犯之多致不救因時之  
人蒙蒙昧昧只知傷寒能死人因此病死者十有三  
四矣皆不知其所犯之由深可傷也男子女人陰陽  
易病其狀身體疼痛熱上衝胃頭重不能舉眼内生  
眵四肢拘急小腹絞痛手足拳則皆死其亦有不即  
死者若小腹裏急熱上衝胃頭重不欲舉百節解離  
經脈緩弱血氣虛骨髓竭便吸吸氣力轉少着牀不  
得動起止仰人引歲月死宜此方足甲裨灰散



取交接婦人手足甲二十枚裨近隱處一尺同燒  
反燒或米飲調下二錢日三服陰頭微腫小便利  
爲愈若未愈灸陰頭一百壯便差陰頭在毛際  
間提陰向上當頭是穴

女子陽易則取男子手足爪甲裨近隱處如前燒  
服之可灸毛際橫空上中央曲骨一穴百壯

男子陰易如前法灸若陰卵縮未下灸足大拇拍  
旋毛上小炷七壯是大敦二穴男女初得陰陽易  
病便服薤根鼠矢湯出汗有驗

傷寒口乾喜唾方

傷寒總病論卷第三

大棗

肆拾枚  
去皮尖  
煮

烏梅

肥者拾箇  
去核爲末

右以棗肉和爲丸含化自然汁





# 傷寒總論卷第四

暑病論

暑病表證

素問載五種暑病

時行寒疫論

時行寒疫治法

聖散子方

班豆方論

溫病發班治法小兒證附

暑病論

龐曰冬傷於寒夏至後至三伏中變為暑病其熱重於溫也有如傷寒而三陰三陽傳者有不依次第傳如見五藏熱證者各隨證治之



北京中醫藥大學圖書館版權所有

暑病表證

暑病代桂枝并葛根證

桂枝

芍藥

知母

生薑

各壹兩

甘草

壹兩

黃芩

壹兩

葛根

貳兩

棗

拾陸枚

呔咀水六升煮取三升通口服一盞相次取汗

暑病代麻黃證

桂枝

杏仁

知母

各壹兩

麻黃

參兩

甘草

黃芩各壹兩

煎如前法

暑病代青龍湯證

麻黃

貳兩

石膏

參兩

知母

桂枝

甘草

各壹兩



杏仁 叁拾枚 生薑 壹兩半 棗 拾陸个

如前煎服

暑病代葛根麻黃證

葛根 貳兩 麻黃 壹兩半 桂枝 甘草 知母

黃芩 芍藥 各壹兩 生薑 壹兩半 棗 拾陸枚

如前煎服

暑病三日外至七日不歇內熱令人更相染大青消

毒湯

大青 芒消 各貳兩 山梔子 壹兩 石膏 肆兩

豉 半升 濕地黃 半升



呔咀水七升煮取三升去滓下芒消化之温服  
或益以熱除為度

暑病通用白虎一如傷寒與暍證用之方在陰證中

暑病通用麦奴丸方在汗證中

暑病若吐下後別見形一如傷寒門治之

暑病噦逆發斑瘡豆壞一如温病門治之已上四條先生所論

預防熱病急黃賊風葛粉散

葛粉貳升 生乾地黄壹升 香豉半升

細末食後服方寸匕牛乳蜜湯竹瀝米飲烏梅湯

任性調下日三服有病者日五服



素問載五種暑病

肝熱病者先左頰赤肺熱病者先右頰赤心熱病者

頰先赤也頰額腎熱病者也頤頰脾熱病者鼻先赤也

艸病雖未發見赤色刺之名曰治未病

肝熱病者先小便黃腹痛多卧身熱熱爭則狂言

驚脅月滿痛手足躁不安卧庚辛甚甲乙大汗氣逆

則庚辛死刺足厥陰少陽其逆則頭痛負負脉引

衝頭也

心熱病者先不樂數日乃熱熱爭則卒心痛煩悶喜

嘔頭痛面赤無汗壬癸甚丙丁大汗氣逆則壬癸



死刺手少陰太陽

脾熱病者先頭重頰痛心煩顏青欲嘔身熱熱爭則腰痛不可俛仰腹滿泄兩頷痛甲乙甚戊己大汗氣逆則甲乙死刺足太陰陽明

肺熱病者洗淅然厥起毫毛惡風寒舌上黃身熱熱爭則喘咳痛起走脅膺背不得太息頭痛不任汗出而惡寒丙丁甚庚辛大汗氣逆則丙丁死刺手太陰陽明出血如豆大立已

腎熱病者先腰痛胕痠苦渴數飲水身熱熱爭則項痛負負澹澹然戊己甚壬癸大汗氣逆則戊己死



刺足少陰太陽諸汗者至其所勝日汗出也

龐曰五種熱病肝腎二藏有逆證心脾肺三藏  
證凡五種熱病二三日逢尅未為逆忌在五

時行寒疫論

病源載從立春節後其中無暴大寒又不冰雪而  
有壯熱病者此屬春時陽氣發於冬時伏寒變為溫  
病也從春分以後至秋分節前天有暴寒皆為時行  
寒疫也三月四月或有暴寒其時陽氣尚弱為寒所  
折病熱猶輕五月六月陽氣已盛為寒所折病熱則  
重七月八月陽氣已衰為寒所折病熱亦微其病與



溫病暑病相似但治有殊耳其治法初用摩膏火灸  
唯二日法針用崔文行解散汗出愈不解三日復發  
汗若大汗而愈不解者勿復發汗也四日服藜蘆  
微吐愈若病困藜蘆不吐者服赤小豆苳藳散吐  
之已解視病尚未了者復一法針之當解不解者  
六日熱已入胃乃與雞子湯下之愈無不如意但當  
諦視節度與病耳食不消病亦如時行俱發熱頭痛  
食病當速下之時病當待六七日時病始得一日在  
皮二日在膚三日在肌四日在肉五日入胃入胃乃  
可下也熱在胃外而下之熱乘虛入胃然要當復下之



不得下多致胃爛發斑微者赤斑出五死一生劇者  
黑斑出十死一生人有強弱相倍也病者過日不以  
時下之熱不得泄亦胃爛斑出矣若得病無熱但狂  
言煩躁不安精神言語不與人相主當者治法在可  
水五苓散證中

此巢氏載治時行寒疫之法焉温病暑病  
相似但治有殊者據温病無摩膏火灸

有冬温瘡豆更有四時臟府陰陽毒又夏至後  
有五種熱病時令盛暑用藥稍寒故治有殊也

### 時行寒疫治法

初得時行赤色頭痛項強兼治賊風走疰寒痺趙泉

黃膏

大黃

附子

細辛

川椒

乾薑

桂枝各壹兩

巴豆 伍拾粒

咬咀苦酒漬一宿以臈月猪脊一斤煎調火三下  
三下去滓收之傷寒赤色執酒調服梧桐子大一  
枚又以火摩身數百遍兼治賊風最良風走肌膚  
追風所在摩之神効千金不傳

崔文行解散時氣不和傷寒發熱

桔梗炒

細辛各肆兩

白木捌兩

烏頭炮壹斤

細末傷寒服一錢五銖匕不覺復小增之以知為  
度若時氣不和旦服一錢五銖匕辟惡欲省病一  
服了去此時行寒疫通用之無病者預服以辟寒

爲佳皆酒調下

藜蘆散辟溫疫傷寒

藜蘆

躑躅

乾薑各肆分

牡丹皮

皂角各伍分

細辛

附子各叁分

桂枝

朱砂各壹分

末之絳囊帶一方寸匕男左女右臂上着之覺有

病之時更以粟米大內臍中酒服一錢匕覆取汗

日再當取一汗耳

赤小豆瓜蒂散在厥陰證中

雞子湯治熱盛狂語欲走

生雞子柒枚

芒消壹兩



北京中醫藥大學圖書館版權所有

井華水一大升同攪干遍去沫頻服之快利為慶

猪苓散即傷寒門五苓散也在可水證中

已上五方載巢氏始時行

寒疫合用之方

龐曰摩膏火灸可行於西北二方餘處難施其藥初服解散赤散之類如轉發熱而表不解乃行後四方為佳天行壯熱煩悶無汗者麻黃葛根湯

麻黃 伍兩 葛根 四兩

麤末每服五錢水二盞梔子二箇葱白五寸豉一撮煎八分去滓沫温温相次四五服取汗止後服

天行一二日麻黃湯 自汗者去麻黃加葛根二兩



麻黃貳兩 石膏壹兩半 貝齒伍箇無亦得 升麻

甘草 芍藥各壹兩 杏仁肆拾箇

麤末每服五錢水二盞煎八分溫服取汗止後服

葛根解肌湯汗後表不解宜服此自汗者去麻黃

葛根肆兩 麻黃 芍藥 大青 甘草

黃芩 桂枝各貳兩 石膏叁兩

煎如前法

詔書發汗白薇散治時氣二三日不解

白薇貳分 杏仁叁分 貝母叁分 麻黃柒分

細末酒調下方寸七相次二三服溫覆汗出愈湯調亦得



聖散子方

此方蘇子瞻尚書所傳有序文

屑四

七

昔嘗覽千金方三建散於病無所不治而孫思邈特  
爲著論以謂此方用藥節度不近人情至於救急其  
驗特異乃知神物効靈不拘常制至理開感智未能  
知今予所得聖散子殆此類也歟自古論病唯傷寒  
至危急表裏虛實日數證候應汗應下之法差之毫  
釐輒至不救而用聖散子者一切不問陰陽二感或  
男女相易狀至危篤者連飲數劑則汗出氣通飲食  
漸進神宇完復更不用諸藥連服取差其餘輕者心  
額微汗正尔無恙藥性小熱而陽毒發狂之類入口

中國醫藥大學圖書館版權所有

即覺清涼此殆不可以常理詰也時疫流行平旦輒  
煮一釜不問老少良賤各飲一大盞則時氣不入其  
門平居無病能空腹一服則飲食快美百疾不生真  
濟世衛家之寶也其方不知所從來而故人巢君獻  
世寶之以治此疾百不失一二余既得之謫居黃州  
連歲大疫所全活至不可數巢君初甚惜此方拍江  
水爲盟約不傳人余竊隘之乃以傳蘄水人龐君安  
常龐以醫聞於世又善著書故以授之且使巢君之  
名與此方同不朽也其用藥如右

肉豆蔻

拾箇

木猪苓

石菖蒲

茯苓

高良薑

獨活 柴胡 吳茱萸 附子炮 麻黃 厚朴 薑炙

藁本 芍藥 枳殼 麩炒 白木 澤瀉 藿香

吳木 蜀人謂蒼木之白者為白木蓋  
茅木也而謂今之白木為吳木 防風 細辛

半夏 各半兩  
薑汁制 甘草 壹兩

劉焔作煮散每服七銖水一盞半煎至八分去滓

熱服餘滓兩服合為一服重煎皆空心服

治時氣傷寒頭痛身熱腰背強引頸及中風口噤治

瘧不絕婦人產中風寒經氣腹大華佗赤散方

丹砂 貳分 蜀椒 蜀漆 乾薑 細辛 黃芩

防已 桂枝 茯苓 人參 沙參 桔梗





女萎 烏頭 常山各叁分 雄黃 吳茱萸 各伍分

麻黃 代赭 各拾分

除細辛丹砂乾薑雄黃桂外皆熬治作散酒服方寸匕日二耐藥者二匕覆令汗出治瘧先發時服藥二匕半以意消息之

烏頭赤散治天行疫氣病

烏頭陸分 皂角 雄黃 細辛 桔梗 大黃各壹兩

細末清酒或井花水服一刀圭日二不知稍增以知為度除時氣不和一日進一服牛馬六畜中天行瘴疫亦以方寸匕人始得病一日時服一刀圭



取兩豆許內鼻孔中。

斑豆瘡論

龐曰天行豌豆瘡自漢魏以前經方家不載或去建武中南陽征虜所得仍呼爲虜瘡其後名醫巫雜載發斑候是發汗吐下後熱每不散表虛裏實熱氣熾外故身體發斑又說豌豆疱瘡表虛裏實一如發斑之理別云熱毒內盛攻於藏府餘氣流於肌肉遂於皮膚毛孔中結成此瘡既是裏實熱毒內盛則未發及欲發瘡斑未見皆宜下之也瘡已差則再下之此病有二種一則發斑俗謂之麻子其毒稍輕二則豌豆



豆其毒最重多是冬溫所變凡覺冬間有非節之暖  
瘡毒未發即如法下之次第服預防之藥則毒氣內  
消不復作矣有不因冬暖四時自行者亦如法下之  
古方雖有治法而不詳備疑當時毒熱未甚鮮有死  
者耶近世此疾歲歲未嘗無也甚者天枉十有五六  
雖則毒氣內壞不治因醫聖爲咎又大半矣若身疲壯  
熱頭痛不與小汗何由衰散大腑久秘毒攻腰脇或  
心腹脹滿不與微利何由釋去故當消息汗下然則  
寒藥固不當行溫藥反增熱毒若執勢大盛脈候洪  
數涼性之藥不阻表裏氣亦可通用若寒氣阻礙脈

候浮遲則溫性之藥不阻表裏氣者可與冰釋云不  
可汗下寒熱之藥只可紫草一味者乃滯隅之流  
是遭逢輕疾以自差爲功若值重病則拱手待斃矣  
世有權貴自信不任人拘忌冷熱汗下病或不救則  
責醫謬誤斯又可爲傷歎夫調琴者必當移柱故  
古方附以愚見爲斑豆方以小兒多染此患故專  
用小湯劑大人可倍用之

溫病發斑治法小兒證附

冬月觸冒寒毒者至春始發病初至表或已發汗  
吐下而表證未罷毒氣不散故發斑瘡又冬月天氣

温煖人感乖候之氣未即發病至春又被積寒所折  
毒氣不得泄至夏遇熱其春寒已解冬温毒始發出  
於肌膚斑爛隱癩如錦文也

治温毒發斑大疫難救兼治豌豆瘡不出地黃膏

濕地黃

肆兩

好豉 半升

以猪膏一斤和勻露路一宿煎五七沸令三分去一  
絞去滓下雄黃末一錢匕麝香末半錢匕攪勻稍  
稍盡飲之毒從皮中出則愈小兒斟酌服

冬温未即發病至春被積寒所折不得發至夏得熱  
其春寒解冬温毒始發於肌中斑爛隱癩如錦紋而

欬悶嘔吐清水宜服黃芩麻黃湯

葛根 橘皮 杏仁生 麻黃 知母

黃芩 甘草各半兩

吐咀水二升煮八合去滓溫溫分減服之嘔吐先

定便宜消息不嘔者去橘皮

肺府藏熱暴發氣斑不可作香豉石膏湯

香豉貳合 葱豉鬚壹兩 石膏貳兩 梔子叁分

生薑貳兩 大青 升麻 芒消各三分

吐咀水三升煮取一升三合去滓下芒消溫溫分減服

溫病發斑赤斑者五死一生黑斑者十死一生大疫



難救黑奴丸主之

方在雜汗證中

冬温至夏發斑效而心悶嘔清汁眼赤口瘡下部亦生瘡或自下利黃連湯

黃連 壹兩

橘皮

杏仁 麩炒

枳實

麻黃

葛根

厚朴

甘草 各壹分

呔咀水三升煮一升二合去滓温温分減服下利先止別當消息小兒斟酌

天行發斑瘡須臾徧身皆戴白漿此惡毒云永徽四年此瘡自西域東流于海内但煮葵菜蒜蕞啖之則止鮮羊血入口即定初患急食之作菜下飯亦得



北京中医药大学图书馆版权所有

小兒時行瘡豆恐相傳染先服漏蘆湯下之本治執

毒癰疽赤白諸丹執毒瘡癰以下皆是小兒湯劑

漏蘆葉無以山梔子代之連翹白斂甘草芒消各壹分

升麻枳實麻黃黃芩各壹分半大黃肆分

咬咀水二升煮一升半下大黃煮一升去滓下芒消分

減服以利為度大人服可倍作大黃水浸少時和水下之

龐曰凡覺冬温至春夏必發斑豆小兒輩須服漏蘆

湯下之得下後逐日空心飲甘草汁三歲以上一盞

兒小減之直候腹痛乃止未疼可飲至十日則永不

發或下後飲羊血一盞則不發





治時行豌豆瘡樺皮飲子

樺皮二兩細切水一升煮至半升去滓飲汁分減服  
龐曰初得病便驚狂不眠渾身熱然汗出問之身不  
憎寒亦不惡風其脉如數以漏蘆湯下之不甚數者  
以大承氣湯下之非但瘡豆傷寒亦然

治豆瘡毒氣不出煩悶執毒氣攻腰或腹脇痛不可  
忍大便不通五香湯主之

麝香半分木香

丁香

沉香

乳香各壹分

芍藥

枳實

射干

連翹

黃芩

麻黃

升麻

甘草各半兩

大黃壹兩

麤末每服四錢水一盞竹瀝半盞煎八分去滓下  
朴消一錢匕和服以利爲度

天行熱氣生瘡疱身痛壯熱水解散

麻黃壹兩

黃芩

桂枝

甘草各半兩

細末煖水調下二錢匕小兒一錢覆令小汗熱氣  
在表已發汗未解或吐下後熱毒不散煩躁謬語  
此爲表虛裏實熱氣躁於外故身體發斑如錦紋  
或不因汗下始得病一二日便發皆由溫疫熱毒  
氣使然也甚則發豌豆瘡其色白或赤發於皮膚  
頭作漿戴白濃者其毒則輕有紫黑色作根隱隱



新加坡大學圖書館版權所有

在肌肉裏其毒則重十死一生甚者五內七竅皆  
有瘡形如豌豆故以名焉脉洪數者是其候也  
天行熱毒未解欲生豌豆發熱疼痛宜服解肌出汗  
葛根石膏湯

葛根

麻黃 各壹兩

石膏貳兩 黃芩

芍藥

桂枝

甘草 各半兩

麤末每服四錢水一盞半煎八分溫服取小汗

自汗者去麻黃

斑豆始有白疱忽搐入腹漸作紫黑色無膿日夜叫

煩亂者鬱鬱金散

鬱鬱金一枚

甘草壹分水半碗煮乾去甘草片切焙乾爲細末

真腦子

炒半錢



同研每一錢七以生豬血五七滴新汲水調下  
過二服甚者毒氣從手足心出如癰狀乃差此是  
五死一生候也

此患小便澁有血者中壞也瘡黑厭無膿十死  
斑豆煩喘小便不利鼈甲湯

燈心壹把

鼈甲貳兩

水一升半煎六合去滓溫分作二服

斑豆定煩喘淡竹瀝飲子

淡竹瀝

煖飲之煩喘自汗瘡不作黑厭可治



定煩喘麻黃甘草湯

麻黃

杏仁

桑白皮

甘草各壹分

咬咀水一升煎四合放溫分減服若脈數有熱以  
竹瀝代水一半煎之嗽或喉痛加射干一分

斑豆瘡出不快紅花湯

紅花子壹合槌碎

水半升煎百沸去滓分減服之

斑豆服涼藥太過欬手足冷脈遲甘草乾薑湯

乾薑半兩

甘草壹兩

咬咀水一升半煎六合分作二服



常行瘡豆紫草湯最良患其服之太少不能中病但

多槌切好紫草

以湯沃之用物合定候溫去滓分減服每紫草半升用湯一升為準也

斑豆已出不可正尔發表更增斑爛以表虛故也

豌豆瘡欲出甘草湯

甘草 肆兩

細剉水二升煎一升去滓分減溫服覺腹中微利即止

油飲子

飲清油一升即不生

豌豆斑瘡不快表裏不解煩喘大便秘氣攻腹滿犀

角升麻湯

麻黃壹分半 木香 犀角 升麻 芍藥 甘草



杏人 枳實 雄黃 各壹分 大黃 半兩 麝香 壹錢

咬咀水二升煎一升半下大黃再煎一升去滓下雄麝末沸勻分作三服以大便通爲度

瘡已出定方

芒硝 猪膽

和研勻塗之勿動痂落無瘢仍卧黃土末上良  
天行瘡豆預服此則不發三豆飲子

赤小豆 黑豆 菜豆 各壹升 甘草 壹兩

淨淘水八升煮熟逐日空心任性食豆飲汁七日  
永不發



瘡豆發斑下利赤黃或膿血遍身發熱梔子蘘豉湯

好豉半升 蘘白貳兩 肥梔子拾陸枚

水二升半煮梔子蘘白將爛下豉再煮十數沸去滓分減服解下惡物差

# 傷寒總論卷第四





# 傷寒總病論卷第五

天行溫病論

辟溫疫論

青筋牽論

赤脉攢證

黃肉墮證

白氣狸證

黑骨溫證

溫病噦方論

黃病

傷寒感異氣成溫病壞  
候及瘧證

敗壞別行方

小兒傷寒

天行溫病論

龐曰辛苦之人春夏多溫熱者皆由冬時觸冒寒毒



北京中醫藥大學圖書館版權所有

所致自春及夏至前爲溫病者素問仲景所謂傷寒  
也有冬時傷非節之暖名曰冬溫之毒與傷寒大異  
即時發病溫者乃天行之病耳其冬月溫暖之時人  
感乖候之氣未即發病至春或被積寒所折毒氣不  
得泄至天氣暄熱溫毒乃發則肌肉斑爛也又四時  
自受乖氣而成府藏陰陽溫毒者則春有青筋牽  
夏有赤脉攢秋有白氣狸冬有黑骨溫四季有黃肉  
隨治亦別有法難經載五種傷寒言溫病之脉行在  
諸經不知何經之動隨經所在而取之中風木傷寒  
金熱病火濕溫水溫病土治之者各取其所屬據難

經溫病本是四種傷寒感異氣而變成溫病也土無  
正形因火而名故以溫次熱也土寄在四維故附金  
木水火而變病所以王叔和云陽脈浮滑陰脈濡弱  
更遇於風熱變成風溫陽脈洪數陰脈實大更遇其  
熱變成溫毒溫毒為病最重也陽脈濡弱陰脈弦緊  
更遇濕氣變為濕溫脈陰陽俱盛重感於寒變成溫  
瘧斯乃同病異名同脈異經者也故風溫取足厥陰  
木手少陰火溫毒專取手少陰火溫瘧取手太陰水  
濕溫取足少陰水手少陰火故云隨經所在而取之  
也天行之病大則流毒天下次則一方次則一鄉次

則偏着一家悉由氣運盤討發有勝有伏遷正退位或  
有先後天地九室相形故令升之不前降之不則  
天地不交萬化不安必偏有宮分受斯害氣莊子所  
謂運動之泄者也且人命有遭逢時有否泰故能偏  
着一家天地有斯害氣還以天地所生之物以防備  
之命曰賢人知方矣

### 辟温疫論

療疫氣令人不相染及辟温病傷寒屠蘇酒通俗文曰屋平

曰屠蘇廣雅云屠蘇庵也然屠蘇平而庵園所以不相同今人寒月廳事下作版閣是也尊貴之家閣中施羽帳錦幃聚會以禦寒故正曰會飲辟温酒而以屠蘇為名也

大黃 桂枝 桔梗 川椒各拾伍銖 白朮拾銖

烏頭 菝葜 防風各陸銖

改咀縫囊盛以十二月晦日早懸沉井中至平曉出藥置酒中屠蘇之東向戶飲之屠蘇飲先從小起多少自在一人飲一家無病一家飲里無恙飲藥酒三朝還置井中若能歲歲飲可代代無病當家內外并皆悉著藥辟溫氣也忌猪肉生葱桃李雀肉等

辟溫粉

芎 朮 白芷 藁本 苓陵香 等分



爲末每壹兩半入英粉肆兩和勻常撲身上無癩  
粉蚌粉亦可凡出汗大多欲止汗宜此法  
入温家令不相染研雄黃并嚏法

水研光明雄黃以筆濃蘸塗鼻竅中則癩氣不  
能入與病人同床亦不相染五更初洗面後及臨  
時點之凡温疫之家自生臭穢之氣人聞其氣即  
時以紙筋探鼻中嚏之爲佳不尔邪氣入上元宮  
遂散百脉而成斯病也以雄黃點之則自不聞其  
氣并辟諸惡恠夢神良

常以雞鳴時存心念四海神名三七遍辟百邪惡鬼



令人不病温

東海神阿明

南海神祝融

西海神巨乘

北海神禺強

每入病人室存心念三遍口勿誦

古今名賢傳許季山所撰千敷散辟温疫惡疾不相

染着

附子

壹个壹分者

細辛

乾薑

麻子

柏實

各壹分

細末和入柏實麻子令勻酒服方寸七服藥一日

十年不病二日二十年不病三日三十年不病受

師法保應三日服之歲多疫則預服之不飲酒并



北京中医药大学图书馆版权所有

花水服亦得忌猪肉生菜

辟温殺鬼丸薰百鬼惡氣

雄黃雌黃各貳兩 殺羊角

虎頭骨各柒兩

龍骨鼈甲

陵鯉甲

蝟皮各叁兩

樗鷄拾伍枚無以芫青伍枚代

空青壹兩無以石綠代

川芎

真朱砂各伍兩

東門上鷄頭壹枚

細末以臈貳拾兩併丸鷄頭大正旦門前燒壹丸

男左女右辟月上帶一丸辟百惡獨吊喪問死吞下

壹丸小豆大天陰大霧燒壹丸於門牖前極佳

務成子螢火丸主辟疾病惡氣百鬼虎狼蛇虺蜂蠆





諸毒

五兵白刃盜賊凶害者冠軍將軍武威太守劉子南從尹公受得此方永平十二年於虜界交戰敗績士卒掠盡子南被圍矢如雨未至子南馬數尺矢輒墮地虜以為神人各解圍而去子南以方教子及諸兄弟為將者皆未嘗被傷累世秘之漢末青牛道士得之以傳安定皇甫隆隆傳魏武帝乃有人得之故一名冠軍丸一名武威丸

曾試此法一家五十餘口

俱染病唯四人帶者不染

螢火

鬼筭削取皮羽

蒺藜

各壹兩

雄黃

雌黃

礮石

各貳兩

殺羊角

鍛竈灰

鐵錘柄

入鐵處燒焦各壹兩半

為末以鷄子黃丹雄鷄冠一具和之如杏子大作三角

絳囊盛佳丸帶左辟若從軍繫腰下勿離身若在

家掛戶之上辟絕賊盜温疫神良

劉根別傳曰潁川太守到官民大疫掾吏死者過半

夫人郎君悉病府君從根求消除疫氣之術根曰

寅歲泄氣在亥今年太歲在寅於聽事之亥地穿

地深參尺與深同取沙參斛着中以淳酒參升沃

其上府君從之病者即愈疫氣遂絕

於聽事取太歲六合之地也

青筋牽證



春三月青筋牽證其源自少陰少陽從少陰而涉足  
少陽少陽之氣始發少陰之氣始衰陰陽拂鬱於  
腠裏皮毛之間因生表裏之病因從足少陽發動  
反少陰則藏府受癘而生其病

肝府藏陰陽毒氣病頸背雙筋牽急先寒後熱其  
病相反若府虛為陰邪所傷者則腰強急脚縮不  
伸府中欲折眼中生花此法主之不可作  
煮散

### 柴胡地黄湯

柴胡貳兩半

生地黄伍合半

香豉伍合

生薑

石膏各肆兩

桂枝半兩

大青

白朮

芒硝

梔子人各壹兩半



四服未差再作  
四服未差再作  
四服未差再作

肝府藏陰陽溫毒病頸背牽急先寒後熱其病相  
反若藏實則為陽毒所損眼黃頸背強直若欲將  
動即合自面側不可作  
煮散

石膏竹葉湯

淡竹葉貳升 梔子人 黃芩 升麻 芒硝各壹兩半

細辛 玄參各半兩 石膏肆兩 車前草 壹升葉

以咀水陸升先下竹葉車前草煮肆升去滓下諸  
藥煮二升去滓下芒硝化勻溫飲一盞



赤脉攢證

夏三月行赤脉攢病其源自少陰太陽

心府藏陰陽溫毒氣身熱皮肉痛起其病相反若癢

實則為陽毒所侵口乾舌破而咽塞若府虛則為

陰邪所傷戰掉不定而驚動不可作石膏地黃湯

石膏 生葛根各肆兩 麻黃貳兩 玄參叁兩

知母羊兩 梔子人 大青 黃芩

芒硝各壹兩半 濕地黃半升

以咀水九升取四升去滓下芒硝烱化勻溫飲一

盞日三四服



黃肉隨證

四季月終餘十八日行黃肉隨病其源從太陰陽明相格節氣相移三焦寒濕不調四時開格而起則瘡府之痾隨時而受癘陽氣外泄陰氣內伏

脾府藏溫毒病陰陽毒氣頭重項直皮肉強其病

反藏實則陽疫所傷蘊而結核起於頸下布熱毒於

分肉之中上散入髮際下貫顛顛隱隱而熱不相斷

離不可作 玄參寒水石湯

羚羊角屑 大青各壹兩 升麻 射干 芒消各壹兩半

玄參肆兩 寒水石貳兩半 梔子人貳兩



呔咀水七升煎至三升去滓下芒消烱化勻温飲

一盞日三四服

扁鵲云灸肝脾二腧主治四時隨病

白氣狸證

秋三月行白氣狸病其源從太陽繫于太陰太陰受  
淫邪之氣則經絡壅滯毛皮堅發泄邪氣則藏府  
傷温隨狀受癘

肺府藏温病陰陽毒氣其病相反若府虛則陰邪所傷  
乍寒乍熱損肺傷氣暴嗽嘔逆不可作  
煮散宜石膏杏

人湯



石膏肆兩 杏仁

前胡各貳兩 甘草壹兩 梔子人

麻黃

紫苑

桂枝

大青

玄參

葛根

咬咀水玖升煎四升温飲一盞日三四服

肺府藏温病陰陽毒氣其病相反若藏實則為陽毒

所損體熱生斑氣喘引飲不可作宜石膏葱白湯

豉半升

葱白連鬚貳兩

石膏

生薑各肆兩

梔子人

升麻

大青

芒硝各壹兩半

咬咀水八升煎三升半去滓下芒硝烱化勻温飲

一盞日三四服

黑骨温證



冬三月行黑骨温病其源從太陽少陰相搏蘊積  
焦上下壅塞陰毒內行藏府受客邪之氣則病生矣  
腎府藏温病陰陽毒氣其病相反若府虛則為陰毒  
所傷裏熱外寒意欲守火而引飲或腰痛欲折腎府  
藏温病陰陽毒氣其病相反若藏實陽毒所損腎腸  
切痛類如刀刺心腹彭脹服冷藥差過而便洞泄  
不可作  
煮散 苦參石膏湯

苦參 生葛各貳兩 石膏 濕地黃各肆兩 梔子人

茵陳 芒硝各壹兩半 香豉 葱白各半升

哎咀水八升煎三升半去滓下芒硝烱化勻温飲

一盞日三四服

扁鵲云灸脾肝腎三腧治丹毒黑骨温之病

知母解肌湯療温熱病頭痛骨肉煩疼口燥心煩或  
是夏月天行毒外寒內熱者或已下之餘熱未盡者  
或熱病自得利有虛熱煩渴者

麻黃 甘草 各壹兩 知母 葛根 各壹兩半 石膏 參兩

呔咀水三升煎一升去滓温飲一盞若已下及自  
得利下虛熱未除者除麻黃加葛根成三兩病常  
自汗者亦如此法加葛根無汗而難得汗者加麻  
黃成一兩半因變泄者除麻黃加白薇人參各一



兩加水四升煎至一升半

溫病噦方論

伏熱在胃令人胃滿氣逆逆則噦若大下後胃中虛冷亦致噦也

溫病有熱飲水暴冷啗茅根葛根湯

茅根

葛根各半升

水四升煮二升去滓溫飲一盞

溫病熱未除重被暴寒寒毒入胃蘊結不散變啗梓皮飲子

單煮梓皮汁稍稍飲之佳

温病積飲冷冷結胃中熱入腎中變壯熱大哕者棗  
梓皮湯夫腎中有熱者病差後足心皮喜剝脫去頭  
髮禿落是其證也

温病胃冷變哕茅根橘皮湯

白茅根半升橘皮壹兩半桂枝 葛根各壹兩

吐咀水三升煎去半去滓温飲一盞哕止停後服

微有熱減桂半兩微有熱宜去桂加生薑二兩

温病有熱飲水暴冷哕枇杷茅根湯

枇杷葉 茅根各半升

水四升煮去半去滓稍熱飲之一二盞已上四方皆不可作煮散



温病者此熱入腎腎藏惡燥熱盛則腎燥腎燥故渴引飲而自救也

萎蕤湯療冬温及春月中風傷寒發熱頭眩痛咽乾舌強胃中痛心胃痞滿腰背強

萎蕤

白薇

麻黄

獨活

大杏人

生芍藥

甘草

青木香

葛根各壹兩

石高月壹兩半

咬咀水五升煎二升半去滓飲一盞通口服之取汗若一寒一熱者加朴消半兩大黄壹兩半朴消末後下

黄病證



黃病者一身盡痛發熱面色洞黃七八日後結熱

有血當下之如狔肝狀

有血必狂宜拒党湯如黃其大小病自下血亦有自愈者

腹滿急若眼睛澁痛鼻骨疼兩膊及項強腰背急則

是黃候大便澁但得小便利則不慮死矣不用大便秘

多多則心腹脹為不佳此由寒濕在表則熱畜於脾

胃腠理不開瘀熱與宿穀相搏鬱則承得消散則大

小便不通故身躰面目皆變黃色黃候其寸口近掌

無脉昌卑氣冷者死

療諸黃膏髮煎

亂髮兩雞子大

猪肪月捌兩



二味煎令髮消盡研絞去滓分二服病從小便去  
有人再病胃中乾糞下便差

又方

瓜蒂貳拾柒箇水壹升煎去半頓服之

黃疸目黃不除瓜丁散

瓜丁細末

含水畜豆許深入鼻中黃水出盡為度

孫真人曰凡遇天行熱病多內熱着黃但用瓜丁散  
內鼻中黃水出乃愈即於後不復患病黃矣常須用  
心警言候病人四支身面微似有黃氣即速行瓜丁散



不可令散漫失候必大危矣特忌酒麵色欲犯者死  
黃家日晡發熱而反惡寒此為女勞得之膀胱急  
腹滿身體盡黃額上反黑足下熱因作黑瘡大便必  
黑腹臏脹滿如水狀大便黑溏者此女勞之病非水  
也腹滿者難療消石礬石散

消石

礬石

等分擣篩以大麥粥汁和服方寸匕日三重衣覆  
取汗病隨大小便去小便正黃大便正黑也大麥  
則須是無皮麥者千金方云消石二分熬令燥礬  
石一分熬令燥故注之



傷寒感異氣成溫病壞候并瘧證

病人素傷於風因復傷於熱風執相搏則發風溫四肢不收頭痛身執常自汗出不解治在少陰厥陰則陰極不可發汗汗出則讖語內煩擾不得卧善噦目光無精治之復發其汗如此者醫殺之耳

風溫之為病脉陰陽俱浮汗出體重其息必喘嘿嘿

但欲眠下之則小便難發汗則讖語加溫針則耳龍耳

難言但吐下之則遺尿宜萎蕤湯方在溫病曠方論中因發汗

後身體不惡寒而反惡熱無下證者名曰風溫知母

石膏湯

知母壹兩 石膏壹兩半 葛根 萎蕤各叁分 甘草

黃芩 升麻 人參 杏仁 羌活 防風各半兩

咬咀水三升煎一升半去滓溫飲一盞通身與之

取汗

病人素傷於寒因復傷於寒變成溫瘧寒多熱少

者華佗赤散主之 在寒疫治法中

寒熱相半者丹砂丸 兼治間日瘧子

丹砂 人參各壹錢 附子壹箇半兩者

細末蜜丸梧桐子前竹葉湯吞下二三十丸發

前三服中病則吐或身習習麻木中病加至四



十九間日發前如法服中病即止

溫瘧內熱甚昏昏嘿嘿者麥奴丸主之

方在柯汗門中

溫瘧其脉如平身無寒但熱骨節煩疼時嘔

白虎加

### 桂枝湯

石膏肆兩

知母壹兩半

甘草半兩

粳米壹合半

桂枝參分

以咀水三升半煮米熟去米下藥取一升半溫飲一盞

溫瘧之為病先熱後寒

病人嘗傷於濕因而中暍濕熱相搏則發濕溫病苦

兩脰逆冷腹滿又胃頭目痛苦妄言治在少陰不可



發汗汗出則不能言耳聾不知痛所在身青而色變  
名曰重暈如此者醫醫殺之耳

治濕溫如前證者白虎湯主之

方在傷寒  
厥陰門中

濕溫多汗妄言煩渴石膏甘草散

石膏 甘草 等分

細末漿水調下二錢七日三服

龐曰愚醫昧於冷熱之脈見足脛冷多行四逆輩如  
此醫殺者不可勝計濕溫脈小緊有如傷寒脈但證  
候有異數進白虎則脛自溫而差也

病人素傷於熱因復傷於熱變為溫毒溫毒為病最



重也

本太陽病不解轉入少陽小柴胡證罷此為壞證  
犯何逆以法治之

寸口脉洪而大數而滑洪大榮氣長數滑胃氣實榮

長即陽盛怫鬱不得出胃實即牢難大便苦乾燥

焦閉塞津液不通醫復發汗令陽氣盛不周復重下

之大便遂秘小便不利榮衛如搏五心煩熱兩目如

火鼻乾面赤舌燥齒黃而大渴過經成壞病巢氏亦載此一

候今列入證中  
經手神效方附

三黃石膏湯

治如前證



中醫藥大學圖書館版權所有

石膏壹兩研

黃連

黃蘗

黃芩各半兩

香豉貳合半

梔子五箇

麻黃叁分

咬咀水二升煎取一升分三服未中病再一劑甚效如神  
深師方曰傷寒已八九日三焦生熱其脉滑數甚貴  
身熱沉重拘急或時呻吟欲攻內則沉重拘急由表  
未解直用汗藥則毒因加劇古方無表裏兼療者更  
以三黃湯解其內有所增加以解其外故用石膏湯  
論曰傷寒發汗或下或誤後三焦熱脉候洪數譫  
語不休晝夜喘息鼻中屢衄血而疾勢不解身目如  
發黃狂躁欲走宜三黃石膏湯

以上四種温病王叔和所謂同病異名同脉異經者

也風溫與中風脉同溫瘧與傷寒脉同濕溫與中濕  
脉同溫毒與熱病脉同唯證候異而用藥有殊耳  
作傷寒發汗者十死無一生

### 敗壞別行方

天行病經七日已上熱勢弥固大便秘澁心腹痞滿  
食飲不下精神昏亂恍惚狂言異語其脉沉細衆狀  
之中無一可救決計附子鼈龜甲湯不可作  
煑散

鼈甲

白蘧皮

茵陳各半兩

細辛

桂枝

白朮

吳茱萸附子

枳實各壹分

大黃

參分

生薑壹兩



中醫藥大學圖書館

咬咀水三升煮一升温作三服

傷寒將理失節服冷藥太多伏熱在臧手足厥逆  
甲稍青恐陽氣漸衰成陰毒氣蜘蛛之間變入極急  
面色斑斑如錦紋木通桂枝湯

木通

桂各壹兩

吳茱萸

細辛

各壹分

甘草半兩

葱白陸莖

棗玖箇

咬咀水二升半煎一升二合去滓温作四服

傷寒三七日至四七日勞瘠不歇熱毒不止乍熱乍  
寒乍差乍發動作如瘧鼈甲怕山湯

鼈甲

怕山

牛膝

各參分

大青

牡丹

各半兩





石膏貳兩

烏梅肉 甘草各壹分 淡竹葉

豉

生麥門冬

生地黄各貳合半

哎咀水五升煎二升半温飲一盞

傷寒八九日不差名曰敗傷寒諸藥不能治者

甲犀角湯

鼈甲

升麻

柴胡

烏梅肉

枳實犀角屑

黃芩各半兩

甘草壹分生地黄貳合半

哎咀水三升煎一升半分五服日三夜二

敗傷寒頭痛骨肉痛荒言妄語醫所不能療者用前

黑奴丸主之

方在雜汗證中



龐曰有人患時氣經六七日因發狂遂眼瞪不瞬舌  
攣脰曲口噤或有張口者冥冥不知人事口鼻氣絕  
但心頭溫面色和六脉皆動一如尸厥如此不省五  
六日因作成敗計救用風引湯加附子嚙下兩服遂  
省風引加附子湯

寒水石 石膏 赤石脂 白石脂 紫石英

滑石各陸錢 附子壹箇 龍骨 大黃 乾薑各肆錢

甘草 牡蠣粉各貳錢 桂枝叁錢

麤末每服三錢匕水一盞煎至七分去滓溫飲之

小兒傷寒證

小兒傷寒發熱自汗多啼葛根芍藥湯

葛根參分芍藥 甘草 黃芩 桂枝各半兩

麤末每服三錢水一盞煎六分去滓溫溫作三服  
相次與之熱盛者去桂加升麻半兩無汗者加麻  
黃一兩喘者加杏子半兩

龐曰小兒傷寒始因壯熱不除被湯丸下後其項強  
眼翻弄舌畜搦如發癇狀久則哽氣啼聲不出醫以  
爲驚風屢服朱砂水銀牛黃录粉巴豆竹瀝之類藥  
皆無驗此由誤下後毒氣結在心胃內熱生涎涎裹  
諸藥不能宣行所致也蕩涎散

粉霜壹錢 膩粉貳厘 芫花壹分

細末煖漿水調下一歲半錢病勢大者再服白

着底者粉霜也宜盡嚥之良久得睡取下黑黃涎

裹包丹砂之類皆成顆塊啼聲便出立安

龐曰小兒結胃亦如前狀但啼聲出醫亦多作驚風

治之其脈浮滑試以指按心下則痛而啼宜半夏黃

連括樓湯斟酌服當下黃涎便差

方在結  
胸門中

小兒傷寒蒸起風執發癩手足搐掣不省蛇皮湯

麻黃 大黃 牡蠣 黃芩各肆錢 寒水石

白石脂 赤石脂 石膏 紫石英 滑石各捌錢

人參

桂枝

龍齒

各貳錢 甘草 參錢

地退皮 壹錢

麋末每肆錢水一盞半煎七分溫分二服執事者進三服以水并竹瀝中半煎尤佳

小兒傷寒後胃中有熱煩悶不食至日晚潮執事者躁亂嘔吐蘆根湯

生蘆根

生茅根

赤茯苓

子芩

麥門冬

甘草

生薑各壹分

小麦

糯米各貳佰粒

細剉水一升二合煎六合去滓分三服立効

小兒傷寒欬嗽胃膈痰壅喉中呀呷聲射干湯

射干

麻黃

紫苑

桂心

半夏

各半兩 甘草 壹分



麤末每服三錢水一盞半生薑汁少許煎六分  
滓入蜜半七烱化勻溫作二服

又方甜葶藶湯

甜葶藶炒 杏仁炒 麻黃各等分

麤末每二錢水一盞煎五分溫溫分減服

小兒傷寒後盜汗躰熱咽乾犀角黃耆湯

犀角屑 茯神 麥門冬 黃耆 人參各半兩

甘草壹分

麤末每三錢水一盞煎五分溫溫服

小兒傷寒裏不解發驚妄語狂躁潮熱釣藤大黃湯



釣藤皮 當歸 甘草 芍藥 各半兩 大黃 參 分  
麩末 每參錢水一盞煎陸分温温服以利為度難  
利者間茵陳丸服方在傷寒門中此方不唯治傷寒常時  
小兒傷食作驚發癩不乳温壯啜唾皆可斟酌  
與服以利為度

# 傷寒總論卷第五



南京中医药大学图书馆版权所有



傷寒總病論卷第六

傷寒雜方

妊娠雜方

傷寒暑病

通用刺法

傷寒死生候

熱病死生候

溫病死生候

天行差後禁忌

解仲景脈說

解華佗內外實說

辨論

與有位辨傷寒論書

惣論音訓

脩治藥法

傷寒雜方



冬夏傷寒發汗極効時雨散

冬春及夏初行之大驗

蒼木肆兩甘草

麻黃各貳兩

猪牙皂角

肆挺

為末每服二錢水一盞煎三兩沸和滓溫服蓋覆

取汗出立効但是時行寒疫皆宜服此可多浴以

拯貧民

傷寒頭痛玄精石方

石膏 太陰玄精石各壹兩 麻黃貳兩 甘草半兩

麤末每服四錢水一盞竹葉二七片煎七分去滓

溫飲不計時候

傷寒頭痛不止瓜蒂牙硝散



藜蘆壹錢瓜蒂叁錢牙硝貳錢腦麝各少許  
細末吹少許入鼻得嚏則愈

時氣八九日喘悶煩躁麻黃杏子湯

桔梗 麥門冬各壹兩 麻黃壹兩半 杏仁

黃芩 甘草各叁分

麤末每五錢水一盞半煎八分溫溫日可四五服

時氣腦熱頭疼不止朴消散

川朴消研生油調塗頂上

時氣豌豆瘡出不快心神煩悶犀角五香湯

犀角屑 丁香 乳香 木香 各半兩 玄參



南京中醫藥大學圖書館版權所有

升麻各壹兩

麝香壹分

麤末每五錢水一盞竹瀝半盞煎八分溫溫日三服

妊娠雜方

妊娠時氣令子不落伏龍肝散

伏龍肝為末水調塗臍下乾時易之疾差乃止

妊娠傷寒內熱極甚令不傷胎含鷄子法

取鷄子以絹袋貯投井底浸令極冷旋破吞六七枚佳

妊娠傷寒腹脹大便不通喘急牽牛散

大黃 欒梔金 青橘皮各壹兩 甘草叁分

牽牛子取末貳兩



細末不計時薑湯調下二錢以利爲度

妊娠傷寒服汗下諸藥熱已退覺氣虛不和宜與

藥安胎黃耆人參湯

黃耆

人參

半夏

陳橘皮

麥門冬

當歸

赤茯苓

各半兩

麤末每服四錢水二盞薑三片煎七分去滓下阿

膠末一小匕烱化溫與之日可三四服

大熱甚胎不安者不宜前藥宜用阿膠散

阿膠末一錢半竹瀝調下無竹瀝用小麦竹葉煎

湯調下



妊娠傷寒四五日已上心腹脹渴不止腰痛重橘  
枳實湯

枳實 麥門冬各參分 陳橘皮壹兩

麤末每服五錢水一盞半生薑四片煎八分去滓  
溫服  
妊娠熱病胎死腹中鹿角屑湯

鹿角屑一兩

水一椀葱白五莖豉半合煎陸分去滓溫作二服

又方益母草飲子

益母草絞汁飲半升即出

治傷寒小產惡露不行腹脹煩悶欲死大黃桃人湯



朴消

大黃

二味等分末之每一錢或二錢桃人去雙入皮尖  
碎之濃煎湯調下以通為度日三服

小產後其惡露被熱丞断不行地黃飲子

地黃汁

藕汁各壹碗

生薑汁一盞

令和煖温分三四服微有寒煎二十沸服之亦下死胎

傷寒產後血運欲絕紅花散

紅花

荷葉

薑黃等分

末之炒生薑小便調下二錢

凡傷寒小產夏月宜少用醋炭多有煩悶運死者



南京中醫藥大學圖書館藏書

傷寒產後惡血衝心悶亂口乾生薑小便飲子

生地黄汁 藕汁 小便各一盞

和勻煎三兩沸溫熱分作三服

傷寒產後惡露路為熱搏不下煩悶脹喘狂言者

党湯及桃人承氣湯主之二方在下門中

傷寒小產後煩悶大躁渴石膏

黃連 黃芩 甘草 栝樓根各壹兩 石膏壹兩半

麤末每服四錢水一盞半煎八分溫服一盞

傷寒暑病通用刺法

龐曰凡過經不解譫語者當刺期門隨其實而瀉之





刺期門之法須待脉弦或浮緊刺之必愈餘刺之  
差以正取肝之邪故也期門穴直乳下當腹傍近  
骨是穴針入一寸

傷寒發熱晡晡惡寒其人大渴飲水者其腹必滿  
便不利而自汗出其病欲解此為肝乘肺名曰縱當

刺期門

腹滿誠語寸口脉浮而緊此為肝乘脾名曰橫當刺

期門

下血而譏語此為熱入血室但額上汗出者當刺期  
門隨其實而瀉之澌然汗出者愈



婦人中風發熱惡寒其經水適來得七八日熱除身  
遲身涼胃脇下滿如結胃狀而讞語此為熱入血室當  
刺期門隨其實者而取之

太陽與少陽併病頭痛或眩時如結胃心下必堅高  
刺瀉肺膈大杼慎不可發汗發汗則讞語讞語則  
弦五日讞語不止當刺期門

傷寒喉痺刺手少陰腕骨小指後動脈是也刺入三

分補之

佳通里二穴去腕後一寸是手少陰之  
經主熱病喉痺減入三分可灸三壯

傷寒妊娠腹滿不得小便腰以下腫如水氣狀懷孕

七月太陰當養此心氣實當刺瀉勞宮及關元小便



利即愈

勞宮手掌中央屈名指取之關元在臍下三寸

傷寒飲水過多腹脹氣喘刺中腕鳩尾下

傷寒汗不出脊強喉閉煩滿針大杼大杼穴在脊兩傍相去各一

分針入一寸瀉之

傷寒餘熱不盡皮膚乾燥針曲池在曲肘橫紋頭針可透下瀉之

熱病汗出脉反順可汗者取之魚際太淵太都太白

瀉之則熱去補之則汗出太甚者取踝上橫紋以止之

魚際在大指本節後內側散脉中太淵在掌後陷中太都在足大指本節後陷中太白在足內側核骨下陷中踝上橫紋不說穴名當是足內踝上二寸名曰腹溜主骨寒熱汗注不休故也

熱病七八日脉口動喘而眩者急刺之汗且自出淺



南京中医药大学图书馆版权所有

刺手大指間合谷穴是也

熱病先曾脇痛手足蹠刺足少陽補足太陰據傷寒

賊證是足少陽木受邪當傳剋脾土故宜瀉足少陽之丘墟而補足太陰之太白素問云補足太陰者是也其全元起太素作手大指間以肺經從肺出腋下故曾脇滿痛又有引虛則索筋於肝不得於金而以手太陰為是既言不得索之於金矣而復求金乎且

也既瀉於木理不合更補於金若補於金則木反受剋矣故當補脾土無疑

熱病先手臂痛刺手陽明太陰汗出止太陰絡列缺穴在腕上二寸半刺七分

分陽明商湯穴在手大指次指端去甲如薤葉刺三分

熱病始於頭首者刺項太陽而汗出止天柱穴在項后髮際大筋外廉陷中可刺五分瀉之

熱病先眩冒而熱曾脇滿刺足少陰少陽足少陰涌泉穴在兩脚心陷中

足口指宛宛中刺入七分瀉之無令血出足少陽俠谿穴在小指歧骨間本節前陷中



熱病始足脛痛者先取足陽明而汗出

陷谷穴在足大指次指之間

節後陷中針入五分瀉之

熱病三日汗不出怵惕胃脇痛不可轉側大小便血

及衄不止氣逆嘔噦煩渴食飲不下針勞宮

在手心五分鐘

### 傷寒死生候

傷寒下利厥逆煩躁不得卧者死

傷寒厥逆六七日發熱而利者生汗出利不止者死

但有陰無陽故也

傷寒欬逆上氣其脉散者死謂形損故也

夫病者實則讖語虛則鄭聲

重語是也

直視讖語喘滿



者死下利者亦死

傷寒脉陰陽俱緊口中氣出唇口乾燥勑卧足冷身中涕出舌上胎滑勿妄治也

傷寒脉浮而洪身汗如油喘而不休水漿不下形

不仁乍靜乍亂此為命絕也又未知何藏先受其

若汗出髮潤喘而不休此為肺先絕也陽反獨留形

躄如煙熏直視搖頭此為心先絕也唇吻反青四肢

熱習者此為肝先絕也環口利里黑柔汗發黃此為

脾先絕也溲便遺失狂言目反直視者此為腎先絕

也



傷寒脉順四時夜半得病日中解日中得病夜半解  
更不傳也

熱病死生候

熱病陰陽交者熱煩身燥太陰寸口脉兩衝尚慄  
是陰陽交死得脉靜者生

熱病得汗身冷脉欲絕其人已安靜但昏沉喜睡急  
與四逆輩令手足温不尔孰寐而卒

熱病陽進陰退頭獨汗出死陰進陽退腰以下至足  
有汗出亦死陰陽俱進汗出已熱如故亦死陰陽俱  
退汗出已寒慄不止口鼻氣冷亦死



熱病所謂併陰者熱病已得汗因得泄是謂併陰故  
治熱病所謂併陽者熱病已得汗脉尚躁盛大熱汗  
出雖不汗身和而衄是謂併陽故治

熱病不知痛所在不能自收口乾渴熱甚陰頭有寒  
者熱在骨髓死不治

病若讖語妄言身當有熱而反四逆脉沉細者死

熱病在腎令人渴口乾舌焦黃赤晝夜引飲不止腹  
大而脹尚不厭飲目無精光死不治

熱病所謂陽附陰者腰以下至足熱腰以上寒陰氣  
下爭而還心腹滿者死



熱病所謂陰附陽者腰以上至頭熱腰以下寒陽氣上爭而還得汗者

熱病得汗脉減躁身和面赤此為榮未交待時自己

肝病待甲乙之例

素問云榮未交日今且得汗待時而已

熱病七八日脉微小病者溲血口中乾一日半死

脉日死

熱病七八日脉不躁不數而喘後三日有汗三日不汗四日死未曾汗勿庸刺

熱病身面發黃面腫心熱口乾舌卷焦黃黑身麻而臭伏毒傷肺中脾者死



熱病瘈瘲狂言不得汗瘈瘲不止伏毒傷肝中膽者死  
熱病汗不出出不至足嘔膽吐血善驚不得臥伏毒  
在膽足少陽者死

溫病死生候

有病溫汗出輒復熱而脈躁疾不為汗汗衰狂言

能食病名曰陰陽交見三死而未見一生

寅申巳亥辰  
戌丑未年有

此證溫病得病便短息微悶神識惺惺脈尺寸反者死

子午卯酉  
年有此證

凡溫病人三二日身熱脈疾頭痛食飲如故脈直疾  
八日死四五日頭痛脈疾喜吐脈來細十二日死此



病不療八九日脉不疾身不痛目不赤色不變而反

利脉來牒牒按不彈手拍時時大心下硬十七日死

心下不硬者生

天行差後禁忌

飲酒合陰陽復病必死生鱠煮麵酒菲葷鱠薑  
粉大羊肉腸血生菓油肥之類食之皆發熱黃下利不救  
諸勞動皆致復尚可治女勞多死

解仲景脉說

龐曰動脉見於關上下無頭尾厥厥動搖名曰動也  
陽動則汗出陰動則發熱關位占六分前三分爲陽  
後三分爲陰若當陽連寸動而陰靜法當有汗而解



素問云陽加於陰謂之汗當陰連尺動而陽靜則發熱素問云尺麤爲執中若大汗後形冷惡寒者三焦傷也此是死證脉按之虛軟戰汗而解脉按之有力躁汗而解脉虛微必經汗吐下無津液作汗陰陽自衝愈

跌陽在足大指次指間上行五寸是足陽明胃脉也

名曰衝陽穴也

少陰脉在足內踝後跟骨上動脉陷中是足少陰腎

脉也名太谿穴

仲景云按寸不及尺握手不及足謂醫者只憑尺寸

不訖衝陽太谿也

龐曰寸口脉浮大浮爲虛醫反下之爲責虛取一逆其  
大爲無血反飲冷水令汗大出爲守空迫血致跌陽  
脉亦浮虛虛寒相搏則噎也若跌陽脉不浮而自滑  
者則胃寒而噦矣

龐曰伏氣之病謂非時有暴寒而中人伏毒氣於少  
陰經始雖不病旬月乃發便脉微弱法先喉痛似傷  
吹則下利喉痛半夏桂枝甘草湯主之下利有諸證  
用通氣四逆湯主之方在少陰證中此病三二日便差古方謂  
腎傷寒是也

半夏

桂枝

甘草

生薑

各壹兩

㕮咀以水三升煮一升每一盞細呷之

龐白君子春夏養陽秋冬養陰順天地之剛柔也謹  
時當溫必將理以涼時當暑必將理以冷涼冷宜  
不可太過故能扶陰氣以養陽氣也時當涼必將理  
以溫時當寒必將理以熱溫熱合宜不可太過故能  
扶陽氣以養陰氣也陰陽相養則人氣和平有人好  
攝生者盛暑亦複衣避風飲食必熱而成發黃脫血  
者多矣盛寒之時云井暖當服以涼藥而成吐利腹  
痛者多矣此皆憑庸人妄傳以爲實理往往橫天而

尚不覺知深可傷也此是平人將理之法其有風熱  
痼冷者須當順其性爾

解華佗內外實說

魏志華佗傳有府吏兒尋李延共止俱頭痛身熱所  
苦正同佗曰尋當下之延當發汗或難其異佗曰尋  
外實延內實故治之宜殊即各與藥明早並起某深  
疑陳壽誤用內外字華佗本意也病者頸痛身熱惡  
寒爲陰邪外實法當發汗病者頭疼身熱但蒸蒸發  
熱不惡寒爲陽邪內實也法當下之所謂外實者外  
爲陽爲表也陽氣爲寒所折爭於表間陽衰而陰勝



故發熱復有惡寒之證可以汗而發之以復陽氣也  
所謂內實者內爲陰爲裏也極陰變陽寒甚生熱陽  
氣反勝而入裏故胃府內實蒸蒸作熱不惡寒可以  
泄利以復陰氣言實者非正實乃邪實也素問云邪  
氣盛則實所以知佗傳內外二字差謬矣

### 辨論

近世常行者煮散古方湯液存而不用蓋古方升兩大  
多或水少湯濁藥味至厚殊不知聖人專攻一病決  
一兩劑以取驗其水少者自是傳寫有舛非古人本  
意也唐自安史之亂藩鎮跋扈至於五代天下兵戈



道路艱難四方草石鮮有交通故醫家省約以湯丸  
煮散至有未能中病疑混而數更方法者多矣法自  
至今未曾革弊并古方湯液實於今世爲無用之書唐  
徐氏大和濟要方減其升兩雖則從俗患其太省故  
病未半而湯劑已竭鄙心患之自願抄撮斟酌積三  
十餘年稍習其事故敢裁減升兩庶從俗而便於行  
用或一方而取半劑或三分取一或四分取一或五  
分取一或增其水有可以作煮散者有病勢重專  
用湯攻者或云古升秤省三升准今之一升三兩准  
今之一兩斯又不然且晉葛氏云附子一枚准半兩

又云以毫釐當升以分當兩是古之升秤與今相同許  
人減用爾今之爲醫者多是愚俗苟且衣食貪冒貨  
賄大方廣論何以該通唯密密鄙淺方枝使人不規  
其隙以自矜大乘便爲神工致遠恐泥其天柱固已  
多矣鮮有多聞博識者雖時有之士大夫咸鄙其爲  
術自非不顧流俗以極濟爲心則不能留神焉今解  
釋前言詳正脫誤擇其篤論刪其繁方仍增入新意  
不敢穿鑿莫新學易見覽斯文已得其七八矣此方  
皆古聖賢撰用其効如神更不一具姓名載其所  
出其間自有所見經手得驗者其緝成卷在識者覽

而知焉

上蘇子瞻端明辨傷寒論書

安時所撰傷寒解實用心三十餘年廣尋諸家反覆  
參合決其可行者始敢編次從來評脉辨證處  
液頗知實効不敢輕易謬妄誤人性命四種溫病敗  
壞之候自王叔和後鮮有明然詳辨者故醫家一例  
作傷寒行汗下傷寒有金木水火四種有可汗可下  
之理感異氣復變四種溫病溫病若作傷寒行汗下  
必死傷寒汗下尚或錯謬又况昧於溫病乎天下枉  
死者過半信不虛矣 國家考正醫書無不詳備雖



中國醫藥大學圖書館版權所有

此異氣敗壞之證未暇廣其治法安時所以區區略  
意欲使家家戶戶閱方易為行用自可隨證調治  
息自然詳明不假謁庸粗甘就橫天者也設有  
真人云今時日月短促藥力輕虛人多巧詐感  
重藥即多又云加意重複用藥乃有力自孫真  
至今相去逾遠藥反太輕省何也安時妄意庸  
史之亂藩鎮跋扈迨至五代四方藥石鮮有交通故  
醫家少用湯液多行煮散又近世之人嗜欲益深天  
行災多用藥極費日月愈促地脉愈薄產藥至少何  
以知之安時常於民家見其遠祖所錄方冊上記昔

事跡其間有廣順年巴豆每兩千二足故以知藥石  
不交通也且溫疫之病周官不載班瘡豌豆始自魏  
晉脚氣肇於晉末故以知年代近季天災愈多用藥  
極費也礬石曾青之類古人治衆病痼痼大要之藥  
今王公大人家尚或闕用民間可知矣人侵當皇祐  
年每兩千四五白朮自來每兩十數文今增至四五  
百所出州土不絕如帶民家苗種以獲厚利足以知  
地脉愈薄產藥至少矣湯液之制遭值天下禍亂之  
久地脉薄產之時天災衆多之世安得不恪惜而爲  
者散乎故今世上工治病比之古人及中工者幸矣

設有問今之升秤與古不同其要以古之三升準今之一升古之三兩準今之一兩雖然如此民間未嘗依此法而用古方者不能自解裁減又如附子一枚準半兩是用一錢三字爲一枚使人疑混如何得從俗乎安時言唐大和年徐氏撰濟要方其引之秤兩與前代不同升合與當時稍異近者重新纂集約舊刪脩不惟加減得中實亦分兩不廣又云今所刪定六十三篇六百六首勒成六卷於所在郡邑標建碑牌明錄諸方以備衆要又云時逢聖曆年屬大和便以大和濟要方爲名備錄如左已具奏過准勅頒

行此方已遭兵火煙滅安時家收得唐人以朱墨書者紙籍腐爛首尾不完難辨徐氏官與名即不知本朝崇文諸庫有此本否安時謂裁減古方宜依徐氏以合今之升秤庶通俗用但增其藥之枚粒耳是以仲景諸古方次第復許減半為藥湯中載之詳矣陶隱居云古今人躰大小或異藏府血氣亦有差焉請以意酌量藥品分兩古引以明取所服多少配之或一分為兩或二銖為兩以盞當升可也若一二分星較合如古方承氣湯水少藥多何以裁之所以聖惠方煮散盡是古湯液豈一一計較多少治病皆有據

驗在調習多者乃敢自斟酌耳設有問暑執董於温  
病者宜行重複方却多行蕪散者何安時謂夏月多  
自汗腠理易開經云天暑地熱經水沸溢故用蕪散  
或有病勢重者即於湯證之下注云不可作蕪散也  
如此之類者頗多聊引梗概俗云耕當問奴織當  
訪婢士大夫雖好此道未必深造宮妬朝嫉者衆吹  
毛求瑕安不爍金更望省察狂瞽之言干浼

台聽悚息無地

某再拜

# 傷寒總論卷第六



# 傷寒論音訓

## 叙論

漬

疾賜切浸也

搏補洛切

瘡之亮切瘡癩

脆青歲切說文曰小而易斷也

脫吐切

間音澗

揮徒安切觸也

涸平洛切水竭也

讖之廉切疾語也

泄思列切

澀

壯立切和也汗出也填徒堅切賈逵曰塞也滿也

### 太陽證

#### 腰脊強

下居亮切死勁硬也

### 陽明證

#### 執事

丑入切汗出也怫

扶物切意不舒治也

憤公對切亂也

#### 怵惕

上恥律切悚懼悽愴也下他的切憂也疾也

#### 懊懷

上於報切悔也

### 少陰證

#### 沫

亡活切水浮沫也

#### 踝

胡瓦切足踝也

#### 跟

柯恩切

#### 悸

其季切心動也



南京中醫藥大學圖書館版權所有

厥陰證 蛇 胡恢切腹中長蟲也

可發汗證 淅 桑激切洗也 翕 許及切灸也

不可發汗證 朮 苦侯切兩邊實中央空者名曰朮 瞿 如倫切動也

可下證 瞳 徒東切瞳瞳日欲明白 晡 布胡切申時也 妄撮 亡活切三指取也

党 底朗切 瘀 於豫切積血也 駛 山吏切疾也

不可下證 勑 居負切

結胃證 瘕 充至切惡也

痙濕暍證 齧 音械齒相切也

濕證 噦 於月切逆氣也 掣 尺折切牽也

雜病證 甘爛水 即肝切熱也不擊則生擊之則熟水之味本鹹擊熱之則歸土性矣然土之味本甘故也



崖暴之水擊之而成沫乾而水淀徒練切淺水也水淺則成土水歸土性故謂之甘爛水近土甘與甘爛之甘同

傷寒勞復證

頰呼內切也猴古環切牡豕也謂之猴鼠矢者得非牡鼠乎

篋

暑病表證

喝熱於歇切中

五種暑病

疔痠上戶當切說文云脛下光九切痠痠也

負澹

上胡拳切下達濫切

辟温疫論

蠱

丑介切

掠力酌切

青筋牽證

牽

輕煙切引前也青東方之色筋主肝肝屬木謂之牽有筋牽相連之意

赤脉攢證

攢

芳未切擊化也赤南方之色脉主心火火性炎上故好爭攢者相擊化也故有好爭之意

黃隨肉證

隨

旬為切黃者中央之色肉屬脾脾屬土土無正形從在四季正王在長夏謂之隨者有若從木火金

水之意火生土故黃肉隨所次列之於赤脉攢之後

顛耳前曰顛

顛仁于切顛

顛耳前動

白氣狸證

狸

陵之切白西方之色氣主肺肺屬金狸口捕物而有殺亦若金類



黑骨温證

温烏昆切黑北方之色骨主腎腎屬水謂之  
温者亦自水而已故温居末以惣其名焉

温噦方證

哕之月切

黄病方證

瘧丁寒切  
瘧火瘧也  
臚力居切

敗壞別行

瞪直耕切怒  
目直視  
瞬式閏切目動也莊子  
日終日視而目不曠  
瞬也切

小兒傷寒

呀呷上虛牙切哈呀張目  
呷甲切說文云吸呷也  
下

傷寒暑病

通用  
刺法  
誠胡護切  
和也

熱病死生候

瘵癘上胡計切  
下子用切

# 傷寒論音訓終



# 脩治藥法

方中有不脩治者今不載

芍藥 赤白利補

甘草 炙或炒

乾薑 炮

大黃 或生或煨

芒消 生

黃芩 不枯者即子芩是也

黃連 洗去鬚土

乾葛 須家葛乾者

梔子 去殼

橘皮 陳者去白

生薑 薄切

桂枝 刮去麤皮

大棗 去核

麻黃 去根節

細辛 去苗洗

附子 去皮尖丸散炮惟湯生用



鷄子黃藥熟方下

阿膠同上

吳茱萸湯洗

人參去蘆

桔梗微炒

猪苓去黑皮

茯苓赤利白補

澤瀉去苗

滑石研

猪膚去膜切

枳實去穰麩炒

柴胡去芦

烏梅去核取肉

當歸去蘆洗

川椒去目并閉口者

黃蘗刮去麋皮或酥或蜜炙黃紫色

赤小豆浸牙生暴乾惟狐惑證如此

天門冬去心皮

石膏研

白朮去蒂



粳米淘

瓜丁 即瓜蒂也末之

梁上塵節過

飴糖藥熟方下

半夏 湯洗七遍

防風 去蘆

竹茹刮淡竹

五味子去梗

茵陳蒿去梗

甘遂 濕帝裹煨用赤皮連珠者

杏仁 去皮尖麩炒黃為湯劑不炒

龍膽去蘆

小麦奴 即小麦秀黑者如無炒小麦黑者

淡竹葉坐

牡蠣粉炒

蕘花 炒如無以桃花不炒代之

李根 甜李根入土者刮去蘆皮取白皮細坐

厚朴 薑炒

芫花 醋拌新瓦上慢火炒焦紫色

大戟炒



藁本 去苗洗

鼈甲 去裙肉醋炙焦黃色

水蛭 水浸去血子米炒

桃人 去皮尖麩炒研 推入湯生用

龍骨 研

葶藶子 隔紙炒研 甜者用

貝母 去心麩炒

硫黃 研

硝石 研

地黃汁 取自然汗若用濕地黃則切

木通 刮去麁皮

豉 推湯中以絹袋煮之

蟲 去翅足糯米炒

蜀漆 洗去腥

朴消 生

桔樓 焙無黃脉者

雄黃 研

太陰玄精石 味鹹者

代赭 杵碎細如入湯用則綿裹

芎藭 即川芎





漢防已 紋如車輪  
氣連者

黃耆 去蘆

薏苡人 去殼

檳榔 半生半煨

旋復花 去梗

赤石脂 塊剉

禹餘糧 槌碎

連鬚葱 白寸切

荊芥穗 去梗

茅根 洗剉

碓白 切

熟艾 炒焦碾末以  
竹篩篩過

麝香 研

丹砂 研

肉豆蔻 煨

石蓮肉 炒

茴香 炒

丁香 不焙

枇杷葉 炙刷去毛

大青葉 去根莖



秦艽 去蘆

吳藍 用葉

甘菊

須家園單葉者或鄧州白菊亦佳

竹瀝

淡竹二尺長截兩頭以磚閣起中間火燒兩頭即竹瀝滴處以梳盛之

生艾汁

如無以水濃研熟艾亦得

牡丹皮

去心

大麻人

炒鳴取出冷地上攤以新磚磨破簸去皮以密篩篩過擇去殼

秦皮

剉以湯浸須臾中碧色者真

犀角屑

懷中令暖即碎如無以升麻代之

苦參 取皮

青黛 研

藜蘆 去蘆炙

薔薇莖葉 切

五倍子 去內中虫炒

生射干 去鬚

猪脂 切

鵬砂 研

殭蚕

炒須白直者而不濕黑者

草烏頭尖

去黑皮用之若用烏頭則皮并尖亦去之炒焦紫色惟荆芥散生用

硃砂 研



白礬 枯与礬石同惟鵬砂散生用之

霜梅上白鹽 無以白鹽代之

薤根 切

蘆根 去鬚切

生乾地黃 生乾者

貝齒 燒研

獨活 去蘆

手足指甲 裨隱處燒

吳木 去皮

樺皮 細切

牙消生

焰消生

猥鼠矢 頭尖硬者

葛取粉 搗篩取之

躑躅 醋炒

石菖蒲 去毛

苦酒 米醋是也

沙參 去蘆

漏蘆葉 無以山梔子代之

沉香 不焙



乳香研

真腦子研

燈心切

桑白皮切

紅花子槌碎

猪膽用汁

菝葜去鬚

零陵香去梗

柏實去殼研

虎頭骨鎊

陵鯉甲殺鬼丸内生用餘皆炙焦

殺羊角鎊

雉去翅足無即以芫青代之芫青壹枚可準雉鷄叁枚

空青或無以石碌代

螢火焙

鬼筭取羽去木

東門上鷄頭焙

蒺藜炒以新磚磨去刺

鐵錘柄入鐵槌燒焦者

車前草切



生葛根切

羚羊角 镑 杵

前胡 去蘆

白茅根 去鬚洗

亂髮 皂角水洗以  
清水洗之

白蘚皮 去心

牛膝 去蘆酒浸三  
宿夏間一宿

紫石英 光明者研

龍齒 研 須極大者

小麥 淘

口參 去蘆

寒水石 洗

紫苑 去蘆

白薇 去苗

羌活 去蘆

生麥門冬 去心

白石脂 燒

粉霜 研

地退皮 纏竹柱上  
慢火炙

糯米 淘



茯神 去皮木

蒼朮 去麤皮

猪牙皂角 刮去黑皮或酥或蜜炙

枳殼 麩炒去穰

藕汁 切研汁

荷葉 焙

不艸皂角 去兩頭及皮子

巴豆 去皮心膜或炒焦紫色或用湯煮研細壓去油皆可惟茵陳丸生用趙泉黃膏去皮槌碎

百合 去心如入湯用則水浸一宿拍碎去白沫惟石合滑石散

麻黃湯末

桂枝

□□□□□□

藥方皆在可發汗證皆秤一半和勻煎服

釣藤皮 刮皮鈎用

青橘皮 去白

牽牛子 半生半炒薑兩取末半兩

鹿角屑 杵

生薑汁 用自然汁惟不用滓

天南星 炮惟荆芥散生用



不可作煮散方

陽毒升麻湯

陰毒甘草湯

熱病乾薑附子湯

青筋牽柴胡地黄湯

赤脉攢石膏地黃湯

黃肉隨玄參寒水石湯

白氣狸石膏杏仁湯

黑膏溫苦參石膏湯

溫噦茅根葛根湯

梓皮飲子

茅根橘皮湯

枇杷茅根湯

溫病壞後三黃石膏湯敗壞別行附子鱉甲湯

已上除不可作煮散方外凡湯劑言嘔咀者如嘔咀

菱藕之滓狀今之麤末是也凡麤末每服四錢水一



北京中醫藥大學圖書館版權所有

盞半煮八分濾去滓得七分爲準內有半夏附子爲  
毒藥之類每四錢水二盞入生薑三片煎七分內有  
用朴硝或用阿膠或用飴糖或用焰硝或用雞子清  
皆煎成湯後去滓下之內或用竹瀝煎者每四錢水  
一盞二分煎至七分下竹瀝三分煎至七分內或用  
大黃者虛人入大黃同煎之如難得通利人每服四  
錢水一盞半煎至一盞別入大黃半錢同煎至七分  
又難得利者以湯浸濃大黃汁三二分同煎之以取  
利爲度政和歲次癸巳門人布衣魏炳編

龐先生傷寒總病論終



炳編



重雕宋刻傷寒總病論札記

此書摘取張長沙之大要辯論精妙其有證而無方者上溯內經旁及他書叅互已見為增損進退之法實能發仲景未盡之意而補其未備之方是為龐氏之撰著非僅述而不作也故所引原文每有刪削諸家抄本多有異同或未見宋刻傳寫互異或依據張書增補失真故今將宋刻龐論翻雕未敢輒改原文即有抄本義長者亦第摘取備考別疏為札記附於後丕烈又識

序文啓

薛本顧本此上  
俱有軼字居右

再拜

薛本顧本此上  
亦有軼字略小



後序

二行自少時

顧本無時字

八行皇甫謐

謐當作謚

十行

能辯論發揮每用以治病

薛本作悉能以治病

後

一行不問貧富為便房曲齋調護寒暑

薛本問貧富不

貴均為調護寒暑

後二行時節其飢飽之度

薛本二無之

後三行耐事

薛本作耐子

後四行他日過之

薛本過作

見

後九行故不著著其行事

顧本不重著字

目錄第四葉前半頁宋刻原缺各本亦無按目錄計

缺一葉有半而此葉板心刻四葉不知目錄前尚

有文字否今因無從補刊故仍其缺不敢妄作也



卷第一

一葉十行冰也

索也字衍薛本顧本俱無

後三行其有

又勞房

薛本作力

三葉十行故須

薛本作又須按又字是

後三行而變暑病

病下有所宜二字

後十行有平居者

薛本作有卑濕居者

四葉後八行揮散

薛本顧本揮俱作憚

後十行工

薛本此上有粗字

五葉三行欲温

原本欲字破損今照顧本補薛本張本皆作飲非

六葉後一行足

薛本作更按更字是

後十行虛寒

顧本作虛汗非

七葉六行一二日發以上連風府

薛本一上有當字以下有其脉二字

八葉後四行大湯劑

原本大作人今依薛本改



南京中医药大学图书馆版权所有

十葉九行自微汗

薛本自作身非

後十行大便已鞭

薛本鞭

鞭按原本鞭作鞭者甚多不能悉正皆當從鞭為是後做此

十一葉後五行而又脉

顧本又作反

後八行當

發

原本本作二二口誤今依薛本

後九行

而

本作而耳韻顧本作耳韻顧

後十行相載

薛本作相博

十二葉後九行傷寒三四日陽為盡

薛本作傷寒三日三陽為盡顧

本作為盡案當依薛本是

十四葉五行注故芍藥

薛本作芍藥

十行於寐也

宋本

有脫誤案仲景原文當作但欲寐也

十五葉四行故以小辛之藥温散

顧本作温散之藥



十六葉後五行已合治之薛本作已即合消之合治

別搗篩已合治之薛顧本皆誤

十七葉後四行熬香薛本非

十八葉八行氣上衝心中痛熱顧本重一

十九葉二行當不得食薛本顧本得俱

二十葉後二行次治其厥顧本須後八行永宜此

方薛本張本永俱作亦

廿一葉五行醫顧本逆

廿二葉四行與太陰顧本無與字案原本與字疑衍

卷第二



南京中醫藥大學圖書館藏

二葉七行指梢薛本梢

八行增寒顧本作

後六

行翕翕熱薛本熱上

三葉三行憎寒原本增誤今依薛本改以

四葉六行注當發證顧本發下又注青龍湯似桂

枝證薛本湯下有者字似

五葉一行勢如薛本如作加

六葉八行黑交薛本交後四行及顧本後九行

注蟬粉薛本蟬

七葉一行以失薛本以後四行注此若軟緊而遲

原本若字破損照薛本補張本同顧  
本作此浮緊而遲并無若字誤甚



八葉後一行少氣逆薛本氣字下重一氣

後十

氣微絕顧本微作欲是

九葉後七行穀不得前薛本前作消非

十葉一行叁勝薛本勝作升為是

後八行五倍子

薛本作五味子無五倍子當作五味子為是

十二葉一行去仁參薛本仁作人 三行支結

薛本支作支

十四葉後七行互原本作互誤顧本作互字是今改

十五葉後十行大柴胡湯薛本不重胡字顧本同案重者乃衍字也

十八葉後一行在壯熱但主利薛本在作發主作下



十九葉四行表證在薛本在上

二十葉六行注開下開上薛本顧本皆作關上關下

躁薛本同顧本躁作燥案當作燥為是後三行方有薛本在顧本當

作在為是

十一葉五行拘忌顧本忌忽後二行煩喘顧本喘作渴

二十三葉八行微喘顧本喘作熱

二十四葉二行開陰顧本關四行同

二十五葉一行桂枝甘草湯主之薛本作桂枝甘草龍骨牡蠣湯主之

四行並宜火劫治之薛本宜下有依字後一行自為黃

薛本自上有身字自作目 後四行蓄血若去原本若作君誤今照各本改





卷第三

三葉後八行注為陽

薛本為下有發於二字張本同

五葉十行發後無汗

薛本發下有汗字顧本同

後三行

入陰筋者

各本同案此乃仲景傷寒論原文引上有痛字此痛字侶不可

六葉三行注雜發汗

薛本同張本雜作可案當作是

八行如被

杖

薛本張本如字上俱有身痛二字案此亦伸景原文本有此二字

後八行勿

以煙出

薛本以作使

七葉五行通逐

薛本張本逐俱作達

八行裏熱藥

薛本顧本裏俱作裏

按當作是

八葉四行為狀

薛本為下有病字

六行其面乍黑乍白

薛本



中醫藥大學圖書館版權所有

張本面字下皆多作赤二  
字乍白下皆多蝕於二字  
七行咽乾薛本張本

多之苦參湯  
洗之五字  
八行注雄黃云云止張本另提

白皮四兩  
洗之云云  
行方另提  
起病者脉數云云

注本于此方附  
又則執薛本張本  
金匱本則俱無後

行細末一行後張本多通治每服四錢水一盞

煎八分去滓溫溫服之云云  
行薛本亦多此方附注於上  
後五行美薛本

俱作  
後九行浙然各本俱

九葉四行兩瀆字原本均作瀆誤

十葉二行如煎洗薛本張本煎洗俱作前浸按下有

是洗為  
後五行所至薛本至  
後八行反不惡寒



案仲景原文無不字原

# 十一葉

宋刻此原刊非

# 三行而故

薛本張本故俱作熱

又而

# 害

原本避字模糊今

# 又而為郡若汗太

名原本

# 薛

本張本郡作郡口俱大作汗大俱作

# 八行強項

薛本張本

# 項

強按項字原本係壞字作只而抄本誤作

# 曰

今依薛本張本改作項字顧本亦誤作

# 熱令

薛本作張本熱

# 後九行斷齒

各本俱作斷齒案

是

# 後十行注方在可下門中

薛本同張本顧

# 十二葉一行濕證

張本證

# 三行注水證

張本水上

可當有字

# 五行身汗出

薛本張本身

# 後六行濕家

# 下之額上汗出微喘小便利者死

案此乃仲景原文也但原



文乃小便利者死以額汗微喘為孤陽無根而上  
脫加呂小便利為陰氣不藏而下泄故主死也  
小便不利乃濕家本症何云死耶薛本張本並同  
又案尤在涇金匱心典曰一作小便不利者死  
陽上游而陰不  
下濟也亦通

十三葉三行含水畜

薛本畜

六行可與杏

行意

湯

薛本杏仁薏苡甘草湯

後七行故使之耳

薛本

然作

後八行則極

薛本痛劇

十四葉三行溢水

薛本溢作添

五行暘證

張本證

後二行弦而細孔而遲

薛本無

後三行口前

開

薛本作

後四行反熱甚

薛本反

十五葉六行宜苦酒艾

原本苦作若誤今照薛本



九行茯苓桂枝湯主之  
薛本甘草大作茯苓桂枝

行酒二盞煎二盞四分  
薛本同張本酒

四分煎 後九行膀胱  
薛本傍作

十八葉後九行理中治中焦  
薛本治上

二十一葉後八行伸吟呻  
薛本張本伸俱是

二十二葉後四行肉豆蔻  
薛本顧本作穀誤

二十五葉六行血不止  
薛本改正

二十六葉九行廔瘡  
薛本當作廔按此誤

二十九葉一行草一分  
薛本張本原草上皆有

三十葉六行且至晚  
薛本且



三十三葉二行灰燒薛本無

三行陰頭薛本陰頭

字

七行陰卯薛本卯是

後一行去皮尖

薛本按去

當以去皮核為是蓋大棗亦無尖可去也

卷第四

一葉八行為暑病其熱

此五字原本破

九行

此內行

傷字而字三陽傳三字餘皆描寫者

十行如見

按如字原本破去

而作

二葉十行豉

半此二字原本破去

後五行見形

薛本

形下有

後六行豆壞一如

薛本如下有候字

三葉三行腎熱病者

案內經下有

後五行洗浙

薛本



同張本顧本俱作先浙按此亦內經  
刺熱丈本作先浙侶當從先為是

後六行

痛不任  
經各本皆同按內

後九行  
脚

後六行

經作  
筋瘦

四葉二行亡

薛本顧本無

後四行  
蒺藜

薛本顧本

按當作  
反為是

五葉五行注焉

薛本張本俱作

八行走症

薛本注

後一行五拾粒  
薛本張本下皆

七葉五行甘草

薛本無

八葉五行謫居

薛本謫

十行肉豆蔻

薛本

後五

行七銖

薛本一作三錢又

注于上方曰二十銖也

銖



十葉二行每

按各本皆作毒

七行何由衰散大腑

秘

薛本大作六顧本衰作表按當作衰為是

十一葉三行隱癩

薛本癩作疹

十二葉四行杏仁

楚妙依原本薛本顧本補今

一盞

薛本盞下有字

後九行永不發

薛本發字一發字

後十行或下後

薛本下同顧本下有字

十三葉四行憎寒

原本作增誤今依各本改

後十行白濃

薛本顧

本膿按當作膿為是

十四葉後十行自汗

薛本張本自安

又黑厭

薛本厭作靨

十五葉四行嗽或喉痛

薛本或作而





卷第五

二葉八行手太陰水

薛本顧本水俱作金按當從金為是

後二

形

薛本形作刑

後九行注庵園

薛本園作圓

三葉後四行鼻竅中

薛本竅下有內兩隔三字中下有傍字

後七

以紙筋探鼻中嚏之

薛本作以紙筋紉鼻中嚏出之

四葉七行柏實

薛本此下尚有射干枳實二味

十行三日服之

薛本

張本作同顧本之

後四行蠋

按原本作螺誤以後脩治藥法內所引証之當

作蠋今改正薛本亦作蠋顧本作驪亦誤

五葉二行五兵白刃盜賊凶害

薛本此八字接連上

云云另提行起者又作昔

後三行住丸

薛本住作五

又左辟

本各



俱作

後八行地深叁尺與深同

張本地深之深

有廣字顧本與作餘

六葉四行反

張本顧本俱作及

又其病

薛本病字下相反二字

行府

薛本

後五行合自

薛本自作

七葉四行所侵

薛本侵下有熱二字

又咽塞

薛本塞下聲嘶二字

後三行開格

薛本開作關是

後五行毒氣

薛本氣字

迎接其病相反四字而下又多若府虛則陰邪所

加八字方接頭重頸直皮肉強痺八字頸字原本

原項所無

後六行頸下

薛本下

八葉三行膺

原本依各本改

七行狀

薛本

後五行

生班

張本顧本皆作斑



九葉五行陽毒薛本陽字上

六行彭薛本顧本皆作膨

十葉後六行煎去薛本去

十一葉八行汗原本誤作汁今依薛本張本改

後一行洞薛本顧本

本作

十三葉後五行素傷於寒因復傷於寒薛本上寒字

寒字作熱

後十行米中病薛本米作未未字下又多

未作

十四葉九行病苦薛本苦

十行又顧本作及

後十行

素傷於熱薛本熱

十五葉按此葉宋本原缺張本顧本亦皆無今眼薛本補全又以顧抱冲所抄王字泰活字本校



其異同亦

二行本太云云

四行寸口

云云亦顧抄本

又數滑作顧抄本

五行陽盛佛

熱佛作本陽作

七行如搏如顧抄本

八行注亦

原作六疑誤今

十行湯字下

後一行麻黃

又治如前證

在顧抄本此四字

後一行深師

節下有去

後二行咬咀

抄本二字顧

後三行深師

方曰

抄本四字顧

後四行呻吟

有顧抄本此二字

後

五行未解

此下顧抄本有今且用解

義古方字古

顧抄本

又思思字上顧抄

後六行解字

顧抄本

又故用三黃石羔湯

顧抄本故字上有是字

救

一格有前用三  
黃石膏湯一句

後七行論曰

顧抄本  
作麗曰

後八

身目

顧抄本  
作身眼

後九行湯字下

顧抄本  
有前方二

十六葉六行異語

薛本異  
作譖

後三行蚘蠅

薛本  
俱

十七葉九行荒言

薛本荒  
作譖

後四行加附子

灌  
嚙作

十八葉六行畜搗

薛本  
畜搗

後一行荒花

薛本  
醋浸  
下有米  
乾瓦

上炒  
八字

### 卷第六

四葉後六行大躁渴石膏

薛本  
下有  
原有  
飲子  
湯刪  
去石  
膏

旁改  
括萋湯  
顧本  
作大躁  
石膏湯



五葉後八行喉痺原本誤作

後九行腹潢薛本潢

六葉一行中央顧本央

九行腹溜薛本腹

後

行足口指原本此字破損薛本作中

七葉二行節後原本此二字破損照

又十五原本

利里黑薛本里全作後二行足冷薛本顧本

後八

八葉五行得脉薛本全按當從七行熟寐

而卒原本無卒字今依薛

九葉二行得汗者薛本張本生六行代脉日死薛本

張本日上俱有一字後五行汗汗薛本原作汗汗抹去一



十葉後五行衝愈薛本張本

後九行注太谿原

大絡今照  
各本改

十一葉一行太谿原本谿誤

八行吹則次薛

久  
九行通氣薛本氣作脉

十二葉一行覺此字原本半字破去描寫不當作學各本

故以意  
七行華陀本意也薛本張本句上皆有

當有  
後四行復陰薛本顧本

十三葉六行故敢原本薛本故敗  
九行淮薛本顧本

本作  
後三行密審薛本張本

又方放薛本顧本

本作  
後十行其緝張本其



十四葉五行頗知薛本知

六行明然薛本張本

十行雖薛本

後二行略意薛本張本

意俱作述

十五葉五行令王公張本顧本

今俱作

又今增至四五百

薛本張本此六字俱在

十六葉七行古引薛本作

後七行安不安薛本張本

又千晚各本千

傷寒論音訓

十七葉後三行苦侯切

原本作若使切誤各本亦誤

按查玉篇花字本音苦侯切

十八葉二行牡豕

牡鼠

原本牡皆誤

十行金狸





□捕物

按原本係破損下半字畧有痕迹似善字薛本張本俱作之疑非

### 脩治藥法

二十葉後十行注取自然汗

汗當作汁

三十三葉一行

□參

原本破損以藥味次第考之當是立參

後九行

□□□

原本破損不可考薛本顧本亦無張本作研細用

後十行

□

□□□

原本破損薛本張本□作湯末□

二字有誤

二十四葉五行黑膏温

膏當作骨

另脩治藥法第二十葉至二十三葉止此四葉宋刻

上排藥味上俱空一字今刻誤作頂格并証



道光癸未歲吳門黃氏士  
禮居開雕同邑施南金書



龐先生傷寒論序

龐安常自少時喜鑿方爲人治病處其死生多驗名傾  
淮南諸鑿然爲氣任俠鬪雞走狗蹴鞠擊毬少嘗憂縱  
事無所不爲博弈音技一工所難而兼能之家富多後  
房不出戶而所欲得人之以鑿聘之也皆多陳其所好  
以順適其意其來也病家如市其疾已也君脫然不受  
謝而去中年乃屏絕戲弄閉門讀書自神農黃帝經方  
扁鵲八十一難經皇甫謐甲乙無不貫穿其簡策紛錯  
黃素朽蠹先師或失其意學術淺薄私智穿鑿曲士或  
竄其文安常悉能辯論發揮每用以治病幾乎十全矣



然人疾詣門不問貧富爲便房曲齋調護寒暑所宜珍  
膳美蔬時節其飢飽之度愛老而慈幼不以人之疾嘗  
試其方如疾痛在己也蓋其輕財如糞土耐事如慈母  
而有常似秦漢間任俠而不害人似戰國四公子而不  
爭利所以能動而得意起人之疾不可爲數他日過之  
未嘗有德色也其所惣輯傷寒論皆其日用書也欲擬  
其大要論其精妙使士大夫稍知之然未嘗游其庭者  
雖得吾說而不解若有意於斯者讀其書自足以攬其  
精微故不著著其行事以爲後序去前序海上人諾爲  
之故虛其右以待元符三年三月豫章黃

序

題宋刻龐安常傷寒總病論後

郡中藏書家所謂朱奩文游者余猶及見其人  
書以老故大半散去最後一單中有龐安常傷寒總  
病論亦第與群籍並出主人不以為宋刻估人之買  
者亦未知為宋刻也襍置坊間有識者過而識之  
青蚨五星易歸自是我輩之好言收藏者皆爭相購  
矣是書先至小讀書堆顧抱沖家既而五硯樓素壽  
階知之余亦知之因壽階先與議易故歸之抱沖先  
見是書遂先錄其副抱沖所錄余未之見見其友人  
施君少谷手錄本少谷時在抱沖家教其子弟習書

法故見而借抄抄畢原書歸壽階余從之倩工影鈔  
一本統而計之宋刻一影宋刻者抱沖少谷與余有  
三矣厥後余與壽階以影鈔易宋刻是書遂為百宋  
一厘中物年來力絀舉而贈諸藝芸書舍不意壽階  
之影鈔者亦於其身後展轉歸藝芸于是刻與鈔盡  
為他人所有余則一無所有矣刻洪氏集驗方之冬  
余忽得一夢有人謂余何不再刻龐傷寒醒而異之  
遂商諸藝芸思借鈔入刻奈藝芸不允讓影鈔付梓  
而允借宋刻備校適少谷哲嗣稻香欣然輟贈其先  
人手澤付諸剞劂于是復以宋刻較影鈔而知少谷

之影鈔為功不小也三卷三十三葉唯少谷影鈔本  
有之餘本都缺想少谷鈔後抱沖始鈔鈔時偶失之  
自是宋刻缺此葉已後影鈔本皆失之非余之重刻  
不知宋刻缺此葉非少谷之影鈔不知宋刻之原來  
缺此葉也書之經人拆散傳錄其弊有如此者不可  
不警也其中五卷十五葉宋本缺惟薛性天家鈔本  
有之字跡行款與原本殊未知何據後見抱沖所鈔  
者中亦有此葉謂是從王宇泰活字本補入今余覆  
刻據薛本補據顧本校存其异同可耳宋刻不無誤  
處余復借張時塘家藏鈔本薛性天家藏鈔本顧容



安家藏鈔本雖未知其同出一源與否而字有異同  
悉為標出可從者或改正文以就之未敢信者或將  
校語以參之余友張君訥菴素諳醫理共相參訂以  
定校勘數十條其任檢閱而草創者余長孫美鏗之  
力也是書自王宇泰活字印行之後未見重梓即  
本相傳止有二百部故行世絕少余姪曾有之為友  
人借去被焚故未及一校為憾朋好中皆想望是書  
渴欲一見故命工梓行至于是書之深奧昔安常友  
人蘇黃兩公已詳言之不復丐當代名流之儒醫兼  
通者贅一言已道光癸未仲春黃丕烈識

南京中医药大学图书馆藏